





盛明百家詩選卷之二十一

金陵蘭峒生朱之蕃選授門人周時泰校梓

七言律詩

二百一十六首

遊牛峰寺

王守仁

縈紆鳥道入雲松下數湖南百二峰巖犬吠人時出  
樹山僧迎客自鳴鐘凌飈陟險真扶病異日探竒是  
舊踪欲扣靈關問丹訣春風蘿薜隔重重

雨和杜韻

晚堂踈雨暗柴門忽入殘荷瀉石盆萬里滄江生白



髮幾人燈火坐黃昏客途最覺秋先到荒徑惟憐菊  
尚存却憶故園耕釣處短蓑長笛下江村

宿萍鄉武雲觀

曉行山徑樹高低雨後春泥沒馬蹄翠色絕雲開遠  
嶂寒聲隔竹隱晴溪已聞南去艱舟楫漫憶東歸且  
杖藜夜宿仙家見明月清光還似鑑湖西

羅舊驛

客行日日萬峰頭山水南來亦勝遊布谷鳥啼村雨  
暗刺桐花暝石溪幽蠻烟喜過青楊瘴鄉思愁經芳  
杜洲身在夜郎家萬里五雲天北是神州

興隆衛書壁

山城高下見樓臺野戍參差暮角催貴竹路從峰頂  
入夜郎人自日邊來鶯花夾道驚春老雉堞連雲向  
晚開尺素屢題還屢擲衡南那有鴈飛回

雪夜

天涯久客歲侵尋茆屋新開楓樹林漸慣省言因病  
齒屢經多難解安心猶憐未繫蒼生望且得閒爲白  
石吟乘興最堪風雪夜小舟何日返山陰



元夕雪用蘇韻

林間暮雪定歸鴉山外鈴聲報使車  
綠醕春光傳栢葉夜堂紅燭亂簷花  
蕭條音信愁邊鴈迢遞關河夢裏家  
何日扁舟還舊隱一簑江上把魚叉  
寒威入夜益廉纖酒甕爐床亦戒嚴  
久客漸憐衣有結蠻居長嘆食無鹽  
飢豺正爾群當路凍雀從渠自宿簷  
陰極陽回知不遠蘭芽行見發春尖

南菴次韻

隔水樵漁亦幾家綠岡石路入溪斜  
松林晚映千峰雨楓葉秋連萬樹霞  
漸覺形骸逃物外未妨遊樂在天涯  
頻來不用勞僧榻已借汀鷗一席沙  
斜日江波動客衣水南深竹見巖扉  
漁人收網舟初集野老忘機坐未歸  
漸覺雲間栖翼亂愁看天北暮雲飛  
年年歲晚長爲客閒殺西湖舊釣磯

觀傀儡

宋色

處處相逢是戲場何須傀儡夜登堂  
繁華過眼三更促名利牽人一線長  
稗子自應爭詫說矮人亦復浪悲傷  
本來面目還誰識且向樽前學楚狂



夜宿香山林宗師房次

幽壑來尋物外情石門遙指白雲生林間伐木時聞  
響谷口逢僧不記名天壁倒涵湖月曉烟梯高接緯  
堦平松堂靜夜渾無寐到枕風泉處處聲

久落泥途惹世情紫崖丹壑是平生養真無力常懷  
靜竊祿未歸休問名樹隱洞泉穿石細雲迴溪路入  
花平道人只住層蘿上明月峰頭有磬聲

龍潭夜坐

何處花香入夜清石林茅屋隔溪聲幽人月出每孤  
往棲鳥山空時一鳴草露不辭芒屨濕松風偏與葛  
衣輕臨流欲寫猗蘭意江北江南無限情

歸興

一絲無補聖明朝兩鬢徒看長二毛自識淮陰非國  
士由來康節是人豪時方多難容安枕事已無能欲  
善刀越水東頭尋舊隱白雲茅屋數峰高

過鞋山戲題

曾駕雙虬渡海東青鞋失脚墮天風經過已是千年  
後踪跡依然一夢中屈子慢勞傷世隘楊朱空自泣



途窮正須坐我匡廬頂濯足寒濤步曉空

又次壁間杜牧韻

春山路僻問歸樵爲指前峰石逕遙僧與白雲還  
暝壑月隨滄海上寒潮世情老去渾無賴遊興年來獨  
未消回首孤航又陳迹踈鐘隔渚夜迢迢

重遊無相寺

舊識仙源路未差也從谷口問桃花屢攀絕棧經殘  
雪幾度清溪踏月華虎穴相憐多異境鳥飛不到有  
僧家頻來休下仙翁榻只借峰頭一片霞

巖頭閒坐漫成

盡日巖頭坐落花不知何處是吾家靜聽谷鳥遷喬  
木閒看林蜂散午衙翠壁泉聲穿亂石碧潭雲影透  
晴沙痴兒公事真難了須信吾生自有涯

春日遊齊山寺用杜牧之韻

倦鳥投枝已亂飛林間暝色漸霏微春山日暮成孤  
坐遊子天涯正憶歸古洞濕雲含宿雨碧溪明月弄  
清暉桃花不管人間事只笑山人未拂衣

歸興



百戰歸來白髮新青山從此作閒人峰攢尚憶衝蠻陣雲起猶疑見虜塵島嶼微茫滄海暮桃花爛熳武陵春而今始信還丹訣却笑當年識未真

夜宿浮峰次謙之韻

日日春山不厭尋野情原自懶朝簪幾家茅屋山村靜夾岸桃花溪水深石路草香隨鹿去洞門蘿月聽猿吟禪堂坐久發清磬却笑山僧亦有心

謁伏波廟

樓船金鼓宿烏蠻魚鼉群舟夜上灘月遠旌旗千嶂靜風傳鈴柝九溪寒荒夷未必先聲服神武由來不殺難相見虞廷新氣象兩階干羽五雲端

再過同官道中作

朱應登

浮雲細細雨還晴客思車塵喜暫清山館重來應識面野花空好不知名長林樹轉廻征蓋遠戍煙消出候旌日落興闌猶信馬荒城夜火斷人行

桃川懷古

猶有桃花照此川更無人泛武陵船泉分洞口僊屍隔地遠人間日月偏未羨入山真不老曾聞避世可



稱賢逍遙物外吾所願  
悵望丹丘已灑然

大駕東巡野語

聞說天王西狩頻翠華  
今日又東巡泰山重被登封  
頌梁父親承羽獵塵曉日霏煙開帳殿  
朔風寒雨暗楓宸  
江都十月花零落莫遣龍舟望幸新

辛巳立春試筆

古堂踈豁足栖遲  
物候春來可樂飢  
勝縷含風翻綵燕  
花枝迎日駐遊絲  
安仁謾有閒居賦  
伯玉空傳感興詩  
戲學山公騎款段  
垂鞭取醉習家池

中元日齋中作

陶枕單衾障素屏  
空齋獨卧雨冥冥  
網川舊擬施爲寺  
內史新邀寫得經  
窻竹弄秋偏寂歷  
孟蘭乞食信飄零  
年來會得逃禪理  
長日沉冥不願醒

清明揚州道憶王端公

江花江草淨春煙  
北望空懷乘興船  
水國人家種楊柳  
清明士女競鞦韆  
客厨未乞龍蛇火  
旅食頻催犬馬年  
遙想風流王柱史  
西臺銀燭柘枝顛

涇上夕眺東友人



臺下平池池上花春風無日不山家紅藏塢壁攀危  
磴綠浸闌干繫短槎小市漸沽寒食酒中林常隔美  
人車夕曛也戀西枝好不管城頭已暮鴉

辛未中秋同張秋泉僧龍玉升顯東明西湖泛

月

孫一元

一望晴煙破暝幽湖天灩灩月初浮旋携斗酒呼鄰  
父小有蔬盤上釣舟笛咽水龍中夜冷杯搖河影萬  
山秋人聞回首悲何事欲攬清光最上頭

秋晚眺鎮海樓

樓上輕雲散女婢樓前狂客獨支頤江當夕照半添  
色詩與秋山兩闔竒木葉無言時序暮塵寰多事杖  
藜知只應又被漁郎笑雨細風斜歸去遲

贈鶴

殷近夫養二鶴每予至輒相對舞愛而作  
詩贈之

爲愛使君雙舞鶴杖藜相過水雲鄉入門瘦影當牕  
見隔樹閒行共我長碧海青天憐昨夢朱琴瑤月闌  
圓吭他年結屋羅浮上萬樹梅花待汝翔

題潛菴

避俗年來學養慵惟憐猿鶴日相從閒看流水孤筇



往偶與歸樵一徑逢老去形骸無長物清留門戶有  
高松空教使者求顏闔知入雲山第幾峯

種竹

種竹荒岡手記曾滿林蒼翠盡騰凌遙連野水青無  
間斜壓秋雲冷不勝慣習釣竿防稚子祇分拄杖與  
山僧黃陵歌罷無人和明月樓干只自凭

烏啼

烏啼野樹歲將暮滿眼蒼涼老我祇應依白  
墮幾人猶未識青山百年知日長  
杖閒獨倚高原望明月隔雲黃鶴幾時還

和劉元瑞叅政夜歸見寄

林下輕涼愜素裾雨晴薄暮景偏餘閉門句好香殘  
後搗藥聲高月上初意外區寰元自厭山中靜業未  
全疎他年杖屨來尋我同在羅浮頂上居

至日携榼登道場山

瞥眼風塵歲屢遷椒盤柏酒自留連半生作計閒爲  
上到處論交山最賢好句忽成黃葉寺小舟漫倚白  
鷗天松聲泉語無人會獨坐出頭意已傳



衡門

投老衡門不用名  
閒雲時伴一身輕  
林頭酒盡春剛去  
座上山青詩又成  
淺水短蒲蛙閣閣  
澹烟修竹月盈盈  
憑誰爲問天  
隨子藥草新生較幾莖

秋夜坐吳山僧舍

夕陰一抹暗江城  
入夜星河淺澹明  
度水烟寒千樹暝  
隔林雲卧一僧清  
絡蟲故故催機杼  
木葉蕭蕭送雨聲  
獨坐山牕情自會  
燈花無那向人青

范文一昆仲約同汪進之方質父泛西湖倡和

一首

雲移洲渚樹移灣  
來泛湖光十里閒  
逸客風流同白幘  
道人詩句說青山  
天留晚景平波上  
鷗落漁家亂竹間  
此意與君須領畧  
菰蒲明月棹歌還

秋日孤山樓對酒

玄晏先生不解愁  
偶來湖上一尋幽  
健盃到手領巴峽  
捷句驚人破蔡州  
四野秋聲酣晚日  
半空雲影抱晴樓  
倚欄遙望歸來處  
家在青山最上頭

梁溪舟中遇廷介廷順昆仲口歌此詩送之



吳門北下喜相尋乍見扁舟繫水潯感慨獨收今日  
淚昂藏同露百年心高歌醉裏江湖遠白髮燈前夜  
雨深此去秣陵如憶我逢人還寄敬亭吟

望海

絕頂天風吹髮毛長天東去望中遙沙邊烟浪浮珠  
牡島上人家住翠螭萬里閒情窮海嶽百年無事只  
漁樵連翩盡日歸來飽看潮生月已高

贈申將軍制閩薊門

青雲鼓角動邊畿白日旌旗卷羽飛直免蒼生憂社  
稷喜聞天子卸戎衣三秋瀚海風傳檄萬馬燕山夜  
破圍他日功成憶孫楚江邊來問釣魚磯

喜雨

驕陽一雨動林臯喜極呼兒破白醪石壁青鐙雲色  
亂草堂叢竹夜聲高蒼生望歲心偏切獨客憂時意  
已勞水滸前湖風日好釣絲千尺弄魚舠

武昌聞邊報

何景明

博聞虜騎近長安北伐朝廷已遣官路繞居庸烽  
火暗城高山海戍樓寒一時邊將當關少六月王師



出塞難先帝恩深能養士請纓誰爲繫樓蘭

華容吊楚宮

別館離宮紛綺羅細腰爭待楚王過章華日晚春遊  
盡雲夢天寒夜獵多廢殿有基人不到荒臺無主鳥  
空歌西江煙月長如舊只有繁華逐逝波

秦人洞

桃川道士來相送指點仙蹤玉觀西雲鎖洞門何處  
問花開溪路幾人迷石橋自發新秋草丹竈長封舊  
日泥落日山中不勝思松陰竹色冷淒淒

聞說秦人此避秦碧桃零落舊時春家移洞裏難知  
姓水到人間易問津山色溪聲自今古石牀磻戶空  
埃塵洞前卽是南征路來往年華容鬢新

月潭寺

綠蘿陰下列蒲團茗葉松花進晚餐近水雲霞晴亦  
雨傍巖樓閣晝常寒旅懷寥落逢秋半僧話淹留坐  
夜閑惆悵塵蹤又南去朝來鐘磬隔煙巒

白帝城

峽口風悲猿夜號孤舟燈火宿煙臯草深廢井人家



少水落寒山雉堞高自古金湯難恃險當時版築豈  
知勞未安亦在荒城裏玉殿淒涼空野蒿

歸州

暮雲天際見高城行盡千峰峽漸平古郡山頭萬家  
住客舟江上一燈明竹枝慣聽巴人曲鳥道纔通楚  
國程未卜東歸何日到片帆斜月對離情

次韻馬百愚同沈清溪見訪

門接漁樵只數家柳條藤蔓轉相遮不妨佳句頻題  
竹况有清樽共對花開閣定須樓舊榻入溪還擬着  
浮槎誰言人世相逢易浩蕩江湖未有涯

秋懷

憶在京華近侍年五更清珮入朝天鳳凰池接夔龍  
會閭闔樓開日月懸南國自通滄海貢胡塵不動玉  
門煙只今病卧遙回首夜夜清光北斗邊

秋來門巷少經過日日幽懷對薜蘿一笑流光拋客  
路十年歸夢落漁蓑沙邊返照寒初斂水上浮雲曉

故多苦憶梁園辭賦客黃河愁望渺煙波

時李獻吉在汴州

寄贈劉東山先生次林都憲韻



一疏歸來卧舊山，幾回天上識容顏。  
城邊黃石留侯去，海內蒼生謝傅閒。  
日月夢隨天闕仗，煙波家在洞庭灣。  
南瞻江漢無多路，不得乘槎一往還。

溪上

溪上茅齋不掩扉，西風初罷芰荷衣。  
月寒沙柳蕭蕭落，天晚江鴻肅肅飛。  
野客哦詩水邊立，家人沽酒夜深歸。  
相逢醉語休辭數，城外黃花漸覺稀。

同鐵溪朝信宿賢隱寺次韻

雨過青山暮色來，僧堂客坐燭花開。  
半空樓閣星河動，滿院松梧鶴鶴回。  
浮世黃塵兼赤日，古人白骨已蒼苔。  
兵戈此際同盃酒，愁聽春城鼓角哀。

送雷長史

彤管先朝隨帝子，白頭今日奉王孫。  
漢庭亦羨相如美，楚客重看賈傅尊。  
花下圖書開玉殿，日高琴瑟在朱門。  
十年亭閣淮西宴，腸斷梁王雪夜樽。

白髮和張子純

我見秋風驚壯心，君悲白髮苦相侵。  
愁多不道潘年少，吟苦誰知越思深。  
客裏歲時供覽鏡，天邊霜雪助



沾襟平生浪說如雲盛蓬鬢稀踈底似今

送張元德巡畿內

漢京樓殿鬱雲虹淮海文章御史聰三輔自來多寇  
盜五陵今日更英雄埋輪亦在都亭下攬轡仍行甸  
服中滹水太行煙霧裏獨看高隼擊霜空

送殷近夫之青田

石川居士昔餐霞爲吏風塵不怨嗟海上故栽彭澤  
柳江邊新種洛陽花飄飄暮送凌空鳥渺渺春迴上  
漢槎安得便回仙令去遠從勾漏覓仙古仙人白

晚過君采次韻

朔雲卧對寒城菊燕月留沾晚市醪向客蘼蕪南國  
遠背人鴻鴈北風高杜陵愁極惟雙淚潘岳情多已  
二毛同病相憐不同去莫將江海問西曹

送賈學士之南都

金陵樓閣九天開銀漢仙槎萬里來宮月夜懸鳩鵲  
觀江流春轉鳳凰臺直從北極看南極却望中台接  
上台鳴世早傳吳下作逢時真羨洛陽才

送都南濠歸吳



愁論白首爲郎日喜見青山送老年去望雲霄皆動  
色到知鄉里更稱賢丹梯五岳盧敖杖春水三江范  
蠡船他日著書應不少可無人識子雲玄

送衛進士推武昌府

少年佐理楚城居十郡風流盡不如此去且隨彭蠡  
鴈何須不食武昌魚仙人樓閣春雲裏買客帆檣晚  
照餘大別山前江漢水畫簾終日對青虛

送徐舍人使南都

沈捧出金屏草綠南徐四牡駢江上登臨鄉思

遠客中離別宦情微潮生鐵甕迷前代雲起金陵識  
舊畿悵望一春詩社冷有誰吟對省中薇

輞川

飛泉萬壑通藍水仄徑千峯入輞川野老豈知旌節  
到世人空作畫圖傳鼃鼃岸圻深無地鷄犬林開忽  
有天卽此買山堪避俗桃源何必訪神仙

秋日寄懷元傑

王廷相

非關嬾漫愛山棲偶落金門下玉梯清嘯空林無客  
到高眠長夏有鶯啼遊仙豈碍閒登嶽抱甕何妨拙



灌畦大道變來成小隱誰言羣物可能齊

送陶尚文還彭澤 有序

彭澤陶尚文業儒善方脉今年來遊南京士大夫以疾召者無不奇効未足異也至論養生之道乃深契余其曰通其虛柔其實以和吾廬繫其離守其樞使真人常居是謂指南之車非深於道者不足以語此別去爲此言贈之且約三十年後再會於匡廬洞天不知尚文能爲東道主否

彭澤山人隱杏園高風大道出農軒三茅賓友豈希世五柳先生真有緣不秘青囊傳異術直從靈岳問仙源雲中黃鶴矯然去何日匡廬還晤言

寄張太微

悠悠江海獨逢春却對春風憶故人曠覽幾時同五嶽舊遊何日更三秦移山志業空煙霧絕代文章付隱淪欲託飛雲寄神物只愁龍劍化通津

望康子滸西草堂

太白山人草作廬卧龍栖鳳此幽居久從玄晏先生



社懶上長安天子書到處靈巖吹玉笛有時芳泚駐  
巾車匆匆客路遙瞻望碧水青霞最起予

寄何粹夫

蓬影迢迢灞曲秋文星縹緲鳳池頭比年書信勞相  
慰此日風塵悵獨遊學士官閒吟綠水道人心遠夢  
滄洲何時五嶽同携手石耳龍芝遂所求

南中

豹變龍圖亦漫誇苦將弧矢到天涯萋萋怨入王孫  
草艷艷愁含玉女花朔鴈不傳書過峽嶺猿偏攪夢

還家南中兩月風霾路總爲遊人染鬢華

畢節雨夜

風雨蠻城氣候偏素懷秋盡轉悽然八州忽漫凌雲  
夢二頃全荒種玉田天上龍鸞羞參養人間蓬島隔  
三年踈燈自照蕭蕭夜讀盡南華內外篇

郊居落成有作

河上丈人卜築新擬從幽僻迥藏身沙邊叢竹開三  
徑雲裏飛軒絕四隣炎日清涼疑洞壑空林飄洒卽  
仙真無論盆沼生成細撥刺儵魚亦有神



桐岡席上送朱給事

湖南遙望雪雲開  
漢使星輶帝里來  
華館暫能留客  
醉夕陽休向別筵  
催夷門燈火逢元夜  
楚國民風問  
草萊何日回旌更  
春賞杏花東郭共傳杯

春日有懷空同李子

邊 頁

南中數枉故人書  
北上蹉跎信轉踈  
四海酒盃形影  
外十年詩草夢  
竟餘藏身笑我同  
方朔作賦憐君過  
子虛春入吹臺  
芳草編塔雲樓  
月近何如

寇中丞北撫宣府奉同南渠韻

守邊猶得近邦畿  
亞相權兼大將威  
烏府夜閒關月  
皎戟門秋靜虜塵稀  
探兵入塞無傳箭  
敕使臨戎有  
賜衣聞道六龍巡  
幸所至今常見五雲飛

九月十四日夜訪馬尚寶文明不值

門巷陰陰暮雀飛  
北城燈火望熹微  
可憐明月映踈  
柳更喜秋風吹客衣  
寒露始零鴻漸少  
重陽却過菊  
猶稀子長素有登臨興  
何處淹留樂未歸

月下贈孫生

月出東城光皎然  
踏歌歸去馬翩翩  
風塵醉別三秋



暮鄉土交情十載前  
俠氣早聞探虎穴  
壯心時爲舞龍泉  
長安九陌煙花地  
無事飄零又一年

除夕卧病柬空同李子

天涯卧病驚除夕  
河上逢人感音遊  
歲月浮生雙鳥翼  
風塵遠道一狐裘  
君還豈爲鱸魚膾  
我出真同雪夜舟  
梅蕊柳條俱動色  
幾時携杖並登樓

得白巖惠書再次前韻

山童傳信到江鄉  
滿紙雲煙墨數行  
西洛漫誇裴相國  
南宮何羨米元章  
四朝黃髮身仍健  
五嶽丹梯興未忘  
觀物素諳玄化理  
不須重問九還方

次韻留別貞菴

陰陰汀樹起秋煙  
冉冉溪花接暮天  
歸鳥獨衝淮甸雨  
離人新上汶陽船  
病餘藥物存芝朮  
老去心情耗簡編  
它日會傳招隱賦  
緘封應寫渡江年

送松月伍中丞致仕還松滋

中丞鄉土接荊州  
門對青山俯碧流  
名盛古來須勇退  
興高今去且行遊  
寒松獨偃陶潛徑  
皎月長隨范蠡舟  
匣劍酒酣休暫拭  
斗間龍氣正橫秋



次韻送都玄敬

秋江浩浩夕波寒，秋岸離離木葉丹。  
南北路岐頻駐馬，古今懷抱幾憑闌。  
平蕪日下黃雲合，舊國人歸白鴈殘。  
謝傅東山意無限，別來誰與共盤桓。

再至居庸

山雲冉冉石垂垂，公暇焚香晚對宜。  
窺牖亂峯青似戟，穴城孤澗白於絲。  
人家高下緣蹊見，風氣寒暄入塞知。  
憑語抱關休偃仰，雲中日夜羽書馳。

題陳氏水閣次韻

畫閣臨溪一舫如，主人長日坐觀魚。  
情知黻冕非真樂，豈必江湖是隱居。  
山影落杯浮白際，水香侵硯草玄餘。  
春深卽有移家約，莫笑狂夫此意虛。

吟倚高樓傍檻西，碧窻回覽夕陽低。  
雪消芳渚鷗爭泛，春到垂楊鳥自啼。  
商舸近橋帆影亂，女墻如帶草痕齊。  
停杯不盡興亡感，六代豪華水一溪。

偶成

故鄉纔別轉思歸，無奈東風戀客衣。  
歲月忽驚愁鬢改，湖山翻覺賞心非。  
春殘小院啼黃鳥，雨過閒堦長



綠薇圖畫可占棲隱志邇來常掛子陵磯

晝寢

冶城山下水雲居落木驚心晝寢餘多病一秋稀出  
戶故交經月少來書琴聲自識鍾儀苦禮法同憐阮  
籍疎且欲乘流問蓬島海門風浪近何如

遊清涼寺次貞菴中丞韻

竹深泉響不聞鍾古殿虛廓繫客驄高步豈須論世  
外賞心原只在山中花明草碧春方麗虎踞龍盤地  
且雄借問曲江攀杏侶幾人華髮讌遊同

寄李孟弼

康海

憶昔交遊子最親如今蕭瑟有誰鄰尺書未盡腸千  
折一別那堪歲十春用舍豈關豪傑事雌黃何必小  
兒嗔卽看皓齒清歌者可是金閨玉署人

玉女洞

當年鶴背誰同去此洞空留玉女名勝迹我來徒極  
目高峰雲去正含情千秋不改龍潭色午夜猶聞玉  
珮聲惆悵夕陽歸去晚滿溪春浪鬱琮琤

破悶



前年置酒陟唐山兄弟歡齊季父間萬頃晴原饒極  
目雙川秋色競開顏於今透選仍多故何日逍遙得  
好攀積雨轉狂懷轉惡徘徊空望白雲關

華州卧病贈東四侍御

功成莫羨五湖遊河華山川已自優但使孤懷無染  
著不妨薄俗笑淹留相如苦被文園病子晉今開笙  
鶴樓三徑月移花影下歌聲猶伴彩雲流

送王郎中還三河

二十餘年始見君人生聚散卽浮雲知君已結烟霞  
侶笑我方同麋鹿羣海上無勞尋秘訣囊中先自有  
靈文長亭且盡尊前酒笙鶴還期月下聞

西園眺望

五月不來溪上游溪雲猶自伴溪流雖非給事茱萸  
泝絕勝郎官鸚鵡洲半頃稻花迷浴鷺萬株垂柳報  
新秋何當更挈同心者小酌微吟盡日留

此日

此日山居幽興深榻來終日對芳林非關徵詔疎長  
孺自是襄陽愛苦吟雨霽晚川烟漠漠月明春塢翠



陰陰相將幸有柴桑叟漫興何須焦尾琴

贈行邊使

列鎮迎恩介冑雄赭袍遙映塞雲紅武臣敵愾餘虢  
虎聖主憂時起卧龍天上使星臨闔外斗間紫氣照  
關中長城萬里今增重不數平淮一綫功

遊玉笥山

徐問

曾聞玉笥隱飛仙逸興來尋境外天雲榜金書龍氣  
結丹砂瑤草世人傳曉雲雨過林霏淨樹杪人行石  
竇懸總是冠纓遺未得暫揮塵土向清泉

送同年成侍御質夫還朝

俞泰

湧汲漪瀾水一卮九龍山下送君時封章已拯三吳  
溺惠澤遐留十郡思駟馬不傳清路禁清囊惟貯贈  
行詩歸朝多少經綸事秉燭西臺夜坐遲

黎乾德將按西川送母還時乃兄乾兆在家

行行驄馬出天涯道出西江暫過家護草已深堂北  
露荆枝重對舊時花錦川波濶生春浪劍閣雲消簇  
晚霞爲卜歸朝風日好秋臺霜落散栖鴉

安桂坡山堂和段子辛韻



歸來偶作看山人恍惚桃源路未真松榻夜寒雲逗  
枕桂叢光滿月爲隣笛聲誰弄滄洲韻泉味猶甘竇  
乳春已辦筆牀茶竈在扁舟莫厭日相親

懷錢太常元抑

祝允明

入室芝蘭始見熏也知孤陋合離羣烟霄本自冥黃  
鵠城市安能駐白雲震澤晚山青歷歷漕湖秋水碧  
泐泐相思只借中天月會把清輝兩地分

宿茅峰

下馬門前一振衣翠微高迥逼清微雲邊洞裏真人  
去月下山中長史歸丹伏砂牀金燄短木穿崖竇紫  
雲肥神方能詠不能遇一夜精靈峰頂飛

錢園桃花源

落英千點暗通津小有仙巢問主人狂客莫容劉與  
阮流年不管晉和秦桑麻活計從巖穴蘿兔芳緣隔  
世塵只有白雲遮不斷卜居還許我爲隣

咏毛女

寶瑟無絃尚自隨秦聲那復記當時山頭剝棗分猿  
喫雲裏巢笙喚鶴騎見說劉郎驅阮籍空勞徐市覓



安期華陰萬樹長松葉却笑君王未得知

晚過獻吉齋所

徐禎卿

端居聞子蕭清修吏散鴉啼省署幽芳草不知人獨  
往空山何意鳥相求開軒歷歷明星夕隱几蕭蕭古  
木秋自昔風塵堪吏隱浮生莫遣有離憂

寄杭東卿

西湖十月煙水平梅花參差千樹明越王城畔氣應  
早林逋宅邊江更清驛使章臺空寄別霜天玉笛暗  
沾纓故人若有揚州興爲聽春鴻白雪聲

九日登混元峰

殷雲霄

孤杖千峰病起時江山如此更何之三年奔走風塵  
暗九日登臨草木衰樽酒相逢人去遠鄉書不至鴈  
來遲八冥秋色真寥廓極目蒼雲劇所思

金田山

十月來游已後時菊花巖畔尚殘枝空持濁酒憑誰  
醉斜倚寒峰却自悲深谷悠然雲獨往荒林寂寂鳥  
何之眼前霜露增秋思欲向山靈問紫芝

寄戴戶部仲鵬



醉後分携不記吾晚宜堂畔費招呼

晚宜仲鵬堂名

人歸別

浦江聲遠鶴舞閒庭月影孤邂逅我堪懷叔度風塵誰復問狂夫他時相憶還勞子已約東溟舊釣徒

### 候王蕭山不至

禦寒何必白狐裘我有東山舊釣舟心事久忘軒上鶴生涯今作水中鷗孟軻仁義終難遇張翰尊蘆亦易求細雨禪河客夢遠晚芳鳴鴉入春愁

### 冬日宴鄭汝順別業

孟洋

鄭生負廓有田廬花謝茅亭背水居日照霜林松獨影雪消水岸柳將舒呼童掃石驚沙鳥對客開尊取澗魚不到山窻今幾日白雲猶護讀殘書

### 奉和白樓太宰齋居

畫省清齋此日同聞歌白雪枉詩筒瑤壇玉殿虛無裏翠蓋金輿想像中堦下莓苔侵暮雨苑邊楊柳入春風低棲鸛鶴休飛去對爾忘機學海翁

### 題趙太守棋聲閣

奕客憑高氣莫先棋聲清切與雲緣江河滾滾潮堪聽風雨蕭蕭夜不眠殿上疑聞秦壁碎軍中如破漢



營堅餘音徃徃花間度勿引樵夫滿世傳

過大梁貽李獻吉

兩年不見空同子楊柳青青汴水濱避世獨留瓜圃  
在著書吾愛草堂貧門前雪盡添新水江上梅開傍  
野人竹逕不曾延俗駕思君何日得相親

荅何仲默見寄

人世百年常異處帝鄉爲別動三年頻頻入夢見顏  
色日日祛愁多醉眠修竹穠花田舍裏亂山流水寺  
門前幽居不省何時訪好句虛勞萬里傳

過海印寺

傍湖臺殿何年起遶寺烟枝望不窮樹裏逶迤銀漢  
接宮前宛轉玉河通長橋晚落千尋影高閣晴含萬  
里風滄海漫求人世外蓬萊今在帝城中

東平道中呈馬二侍御

馬卿遊歷興多竒滿卷渾無寄我詩綬結青雲還自  
得珠投黑夜獨相知平堤絮裊春烟薄僻路花開野  
日遲不顧尚書吾豈敢風沙百里赴君期

禁中春雪



長安正月逢飄雪，裊霧寒風更可憐。  
高入雲宮迷曉帳，暗流星館濕春筵。  
玉花自繞飛龍上，瑤草偏承獵騎前。  
萬乘此時行幸地，詞臣誰獻上林篇。

贈曾振之祭酒園居

曾連不受平原贈，長揖歸來住海濱。  
獨染彩毫干日月，時看玉劍動星辰。  
窓含花竹雲爭入，江引鳧鷗日自親。  
天下蒼生望安石，憑君莫作武陵人。

江上訪王浚川司馬值謁陵未回

城陰芳草暗江湄，獨坐江亭遲所思。  
別後定知心匪石，見時應訝髮如絲。  
烟林春盡啼鶯倦，水岸風微落絮遲。  
東望鍾陵纔咫尺，側身猶詠四愁詩。

王司馬見示和司徒對雨詩次韻

對雨憑欄起夕愁，百花都向雨中休。  
禁林漠漠烟雲濕，江水冥冥天地浮。  
浪打浴鳧依葦岸，風翻歸燕失山樓。  
司徒此日傳高詠，豈爲江南歲計憂。

春盡日

王 韋

滿院楊花雨後稀，綠陰清晝思依依。  
小園風暖櫻桃熟，曲岸泥融燕子飛。  
北闕明時開王氣，南山青處藹



晴暉眼前風景皆堪賞莫道韶光夜已歸

詠銅雀研謝衛南

千年瓊甃竟誰留北苑西坑未可酬  
麗藻刻文傳魏代紫苔生潤出漳流  
歌聲已散宮墻廢伯業都亡翰墨收  
慎勿濡毫吟總帳恐教羅綺結春愁

除夜

遠宦携家任路岐夷山猶未是天涯  
愁中抱病還增劇客裏逢春不自知  
好記流年收栢葉乍消殘雪見梅枝  
朝來百歲過強半惆悵穠華負盛時

元夕

笙歌猶記昔年曾爛熳風光不自勝  
珠海月輪翻夜水碧空星燄漾春冰  
香芬巷陌金輿度花壓樓臺翠袖凭  
此夕管騰杯酒熱短檠還對讀書燈

遊竹墅

戴冠

十里江風吹竹林萬竿拂日座陰陰  
主人不惜玉壺淺客子翻疑金谷深  
白晝水邊閒繫馬清秋花底下鳴禽  
山翁醉後且歸去明日杖藜還獨尋

人日遊石磑



人日尋春到海隈新年物色太相催  
風吹燕子千家入煖逼桃花幾處開  
久住山林殊自適頻來峒客更無猜  
黃柑白酒能消渴盡日松間坐不回

舟中用韻寄李南雄

奔走年來違素心愁看青鬢逐雲陰  
一身去國江湖杳萬里思家歲月深  
座上雲山尋逸興天涯尊酒對虛襟  
主人不盡臨歧意客子何如旣醉吟

億信陽

身在長安思故國眼前風景不勝情  
畦田千頃水波碧樓閣萬家絃管鳴  
峭嶂和煙藏野寺平川帶樹遶孤城  
何年得遂歸休願携酒登臨送此生

秋興

山中白酒今正熟復有黃鷄啄黍肥  
瘦馬蕭蕭時出郭涼風淅淅故吹衣  
卽看敗柳驚秋色忽見殘鴉送夕暉  
野老淹留共酪酊相將白鷺亦忘機

春日湖上

匹馬春風湖上來湖中新水碧如苔  
柳條弄日遙堪恨鷗鳥銜魚近不猜  
入浦漸多閒島嶼抱江無數好



樓臺楚州自古當雄地此日遊觀亦壯哉

華山

韓邦靖

萬壑羣峰俯太行曾聞此地是仙鄉  
山容濃淡無常色花氣氤氳有異香  
檻外星河知不遠巖間猿鶴可相忘  
攀遊日暮還高興未許浮雲近夕陽

北上

萬木蕭蕭共別離北行未敢卜歸期  
還鄉夢怯關山遠戀土情深花竹知  
誰惜楊柳青雲去後半窗風雨憶當時  
不知他日庭前烏樹上空想繁華幾枝

秋雨

雨到林深易作霖蕭蕭難會此時心  
滴階響共蛩鳴切入暮涼隨夜氣侵江闊  
鴈聲來渺渺燈昏官漏落沉沉蕭條最是  
荊州客獨倚高樓一醉吟

吳閶

鄭善夫

萬木蕭蕭江漢秋吳閶斜日獨登樓  
眼中禾黍茅茨怨海上風塵笳鼓愁  
一命未忘青鎖闥幾時還問白蘋洲  
燕然銅柱男兒事謾倚青萍看斗牛

至日



白日冉冉復南至闔閭城西客未歸山中桂樹歲月  
晚石上梅蕊園池非白鳥雨雪爲誰急黃鶴天風終  
自飛安得垂衣歌帝力坐分滄海釣魚磯

孤山寄太白山人

爲問山人孫太初閒情歲晚莫教疎孤山梅萼春相  
惱滿地松苓日自鏹江夏肯容禰處士茂陵初卧馬  
相如知君不廢茗溪釣書帛能無寄鯉魚

歲暮入江郎山尋訪周山人

江郎三峰開畫屏上有朗朗處士屋修淵將到壺丘  
子憤世却續南華經松間相倚鶴一隻洞口長生芝  
數莖釣渭耕岩不違志乘桴余亦下滄溟

得思道書

伏枕忽停車馬使攬衣迎問已沾巾開緘蕭颯見汝  
回回百奈恣任此身司馬著書長抱病黔婁爲道不  
辭貧滄江冷落梅花晚獨抱遺芳向遠人

秋興

湖上清霜淨柳條南天九月氣蕭蕭歲寒蘭芷將無  
變日暮豺狼迫自驕三輔尚淹王景畧北庭終數霍



嫖姚風烟著處看疎闊白水青山每見招

襄山留別黃后峰王藥谷二同年

莆城東畔襄山遠黃子茆堂碧樹深千里獨尋鷄黍  
約九峰同寄水雲心僧前麋鹿看人慣春後枕榔委  
地陰石壁題詩芳蘚合虎溪分手暮猿吟

太白山人

太白山人去不返青天高映白雲袍慣從赤縣觀滄  
海未向黃庭掃寶刀狂癖補衲終自信醉鄉王績歛  
何逃茗川菰屋風波外長日漁樵生計勞

上妙高臺

雲海冥冥望不迴鯨波東蹴巨靈開中天樓閣虛  
裏南國風煙江漢來世短動經多事日愁長况上望  
京臺白門金鼓維揚卒落日空傳黃竹哀

秋夜偕應黃二子游靈岩天柱峰大雷雨作

日落風迴天柱陰峰前雲木正蕭森古堂衾枕秋鐙  
淨水夜雷震山雨深漠北不聞麟鳳信海濱空寄蘼  
蘼欲擬南陽臥抱膝長歌梁甫吟

歲晚入鳳陽山治田



接已傍風山遠長日看雲意獨深  
洋洋海濤喧永夜冥冥蘿月散  
青林田園春近存生事鵬鸚天  
高寄遠心避地休歌飯牛曲  
驚風落木歲方陰

甲申二月有事南壇因與吳帥訪沈氏兄弟

方思道

野客春深未見花偶緣公事過君家  
湖光帶日搖疎竹草色和烟護淺沙  
不避遊人禽自語嚴催酒令鼓  
頻搗淹留半載惟刀筆似此驅馳  
詎足嗟

閔適

草堂六月似秋涼自喜歸來及壯強  
下木初禽猶認主障溪雅柳已成行  
奉親常恐肥甘缺對客全將禮  
數忘無事經旬惟靜坐開門但見晚山蒼

雪中施翁養德和東坡

對雪狂吟句更纖將軍白戰令何嚴  
明農正恠三冬

暖忘味空誇萬井鹽

今歲鹽貴而冬暖故云

鷄訝寒光先報曉

鳥危凍樹盡窺簷清幽如此非無興  
且放坡翁出一

尖

高臥深山若凍鴟于今那有洛陽車  
老農但喜地宜



麥稚子爭呼天雨花畜草飯牛閒牧豎敲冰索鱖利  
漁家寒爐忽拜瓊瑤句欲和深慙手八义

除夕前夕阻雪福山

野寺閒居不記歸欲歸卽見雪霏霏橫封山口迷行  
路直入樓心打客衣別院梅蕊更顏色前村茅屋盡  
依微八年除夕皆羈旅猶恐明朝願復違

重至波光閣

去歲奉親游白岳登君畫閣挹流光秋風再向長橋  
渡隔岸遙聞濁酒香數里人烟楓柏赤一年好景橘  
橙黃憑誰拔却南阮嶺日日相過雲水鄉

喜任蒼巖至招之小飲

楊慎

還家不落新春後征棹先逢舊雨前繡被喚回巫峽  
夢錦囊賸有蜀江篇垂垂梅蕊猶凝雪濯濯楊枝欲  
吐煙好是玉盤傳菜日共斟金醴媚椒天

人日穀日喜晴

金花彩勝逢前日八穀千箱兆此秋東望暉暘紅旭  
上北瞻闔闔翠雲浮梅初辭臘英猶粲柳欲爭春帶  
已柔乘輿正須銀燭秉麗詞都付玉人謳



懷歸

星橋南望沉犀渚，雪嶺西連抱珥河。  
關塞渺茫寬夢隔，山川迢遞別離多。  
汀洲春雨塞芳杜，茅屋秋風帶女蘿。  
心事未從詹尹卜，生涯聊聽僉童歌。

昆陽望海

昆明波濤南紀雄，空碧滉漾銀河通。  
平吞萬里象馬國，直下千尺蛟龍窟。  
天外煙巒分點綴，雲中海樹入空濛。  
乘槎破浪非王事，已斬魚竿狎釣翁。

別周昌言黃正至

長年三老試登壇，雙鬢小娃嗔已飮。  
重露桃花薛濤井，輕風楊柳文君壚。  
可憐鴻臚橫四海，未許鴟夷浮五湖。  
銷覓從此渺然去，回首峨眉山月孤。

題張子醇西峰草堂

薛蕙

山人卜築城西郭，日日西山爽氣來。  
細雨濛濛丹磴濕，晴雲裊裊翠屏開。  
堦前蔓草穿書閣，石上松林覆奕臺。  
况有春湖可乘興，他時須作泛舟迴。

贈繼之

長安城中不可留，風塵日日使人愁。  
上書解印我將



去拔劍出門君且休五岳登臨幾兩屐三江來往一  
扁舟東西南北好行樂遲爾相隨萬里遊

龍潭

龍潭日落鳥飛迴坐拂扁舟下釣臺尚父已無西伯  
載狂奴翻使漢庭猜江湖萬里入空老宇宙千年鳳  
不來忽被漁翁笑相問棹歌何事亦悲哀

小圃雜蒔藥草偶成

老來服散護殘年檢盡桐君第幾篇誤信朝霞能却  
粒空聞水玉解乘煙更生命薄丹砂耗叔夜材凡石  
髓堅自有仙鄉終不到莫同雞犬望升天

感懷

當年草奏尚書省埃罪閒居已白頭但使奸諛破心  
膽寧辭老死向山丘董生不識平津閣李廣那論校  
尉侯富貴區區非我事飯蔬飲水復何求

次韻寄顧東橋

厭著朝冠愛角巾狂夫天性合長貧胸中不入紛華  
物方外聊爲自在人看月江樓常達曙探梅山寺每  
先春明年擬訪清溪宅併約羊何逐後塵

謂子雲  
同年



讀亾友何仲默無題詩繼作

張含

結綺臨春照晚霞瓊枝璧月鬪妍華  
雙歌共醉瑤池酒萬舞齊開玉樹花  
合浦明珠穿蹀躞中山文木斷琵琶  
可憐一笑傾城者猶自江頭浣越紗

寄升菴

憶子先年獻納才青綾銀燭直蓬萊  
龍飛闕下旌旂動鳳舞池邊日月開  
烏道遙通巫峽夢鶴書終到五華臺  
謝公不盡東山興忘却蒼生嗜酒盃

天涯踪跡歎殊方離夢中宵極渺茫  
子厚音書連百

越屈原詞藻遍三湘青山落日江湖白  
赤塞愁煙樹木黃花隱禪宮孤月夜遲君  
同卧贊公房

潁川侯祠

點蒼山白石江皆潁川戰地

野老爭傳傅潁川當時功業冠南滇  
平蠻營壘蒼山外破虜旌旂白石邊  
祇見荒祠通落日不聞遺像照凌煙  
陰風古樹無窮恨常爲英雄弔九泉

寄升菴

滇海錦雲明素秋乘舟擊鼓昨半遊  
烟籠松樹暗古寺橋近芙蓉多酒樓  
祇擬南朝有曠達好從東晉等



風流月前鐵笛一聲過  
片片梅花吹我愁

次韻答升菴春興

夔龍何事出虞庭  
楚霧滇雲畫杳冥  
嶺樹瘴烟中酒  
聖關河霜月避文星  
點蒼雪色常年白  
巫峽山形到處青  
東觀舊遊天上路  
賞花猶憶望春亭

故國迢遙渺玉津  
殊方物候幾迴新  
興來且自親魚鳥  
夜半何須問鬼神  
北雪漫持蘇老節  
西風遙蔽庾公塵  
歸心獨對昆明月  
回首還遊錦水春

己亥秋月寄升菴

三逕蕭條菊未開  
一書遙遞鴈初來  
遙瞻衛玠瓊瑤色  
尚想玄成鼎鼐才  
玉案春花覓欲斷  
錦江秋水夢頻回  
白頭把釣忘機客  
落日徒聞猿嘯哀

寄升菴

東觀聲名北斗齊  
鳳凰踪跡戍雕題  
八千里外潮陽馬  
十九年來海上羝  
銅柱蒹葭鴻鴈響  
鍊城煙雨鷓鴣啼  
連宵數有懷人夢  
記得分明錦水西

述懷

秋河耿耿動涼颼  
松下琴音石上棋  
載酒鄰翁來問



字負牀稚子聽吟詩輕肥不必論同學造化還須付  
小兒皓月清烟凌古樹哀嗷叢鴈欲何之

衡門

鶻冠老愛丘壑美紫駟誤涉燕市遊門前已罷車馬  
客江上獨構烟霞樓詩思灞橋訪孟浩雪興剡曲尋  
王猷堂前轉樹有黃鳥岸頭眠沙惟白鷗

月夜觀梅憶升菴

一辭東觀老南滇寡和詩傳白雪篇出海明珠輝宇  
宙落天雲錦耀山川還鄉夢遠三千里用世心灰二  
十年澤畔長沙俱寂寞投荒騷賦總堪憐

述抱

商嶺曾聞茹芝客秦陵亦有種瓜侯羊裘釣逐嚴陵  
去蝦菜船從范蠡遊對月中宵傾白墮御風何日訪  
丹丘石田在野臨江岸古樹盈城照鐵樓

浪遊

子色

少年歌酒青樓上垂老光陰白屋中蟬衫麟帶李長  
吉鶴髮漁竿張子同往事悠悠真是夢浮生擾擾忽  
成翁龍池煙月虹橋雨送盡朝鴉與暮鴻



樗散

樗散頑姿寂寞鄉朱霞紅旭照丹房塵心消盡棲香  
界野性難羈上酒航樹納晚雲歸鳥疾波翻晴日浴  
鷗狂樵聲釣影長親近濯足匏瓜繫大荒

清關野興

無論窈窕謝公山自愛劉伶久閉關塞馬冥鴻空落  
落筆床茶竈只閒閒沙邊細雨羣鷗聚庭際長松獨  
鳥還世故翻雲棋局變夜船明月照江灣

掖垣禁中簡劉員外

蔣山卿

長廊遙下掖垣西洞戶陰陰宿復迷闐闐對曉  
迤邐高望五雲齊橋回金水看魚戲苑隔瑤林聽  
鳥啼爲報同心青鎖客鷓鴣聊得一枝棲

宿天津

津口波濤曲抱迴孤城正逐海門開凍埋澤窟魚龍  
卧霜滿關河鼓角哀一夜朔風吹地轉五更寒月湧  
潮來自憐水宿平生事腸斷今宵亦屢回

焦山

秋冥寥廓氣鮮新突兀孤峰欲趁人天地此間真壯



觀風濤何處不傷神  
金山作封開雙闕  
滄海平鋪絕  
四隣幾日尋幽  
未能去好辭  
簪紱學垂綸

送吳子鍾

我愛能詩吳少微  
風流醞藉眼中稀  
沙明雪樹人遙去  
江動雲濤帆亂飛  
滿把金尊臨別浦  
高張錦瑟送斜暉  
蕭蕭爲憶南溪竹  
日日開林遲爾歸

九日與子布弟飲

江上晴雲望處開  
山南爽氣坐中來  
秋風野曠頻吹帽  
落日臺高一舉杯  
鴻鴈依依飛欲近  
茱萸細細插將回  
最憐兄弟同佳節  
只恐林園晚色催

京邑言懷寄所知

王廷陳

十載爲儒愧未成一朝  
謁帝荷收名每緣  
簪組思初服  
轉向班行憶舊盟  
斥鷃蓬蒿聊自適  
爰居鍾鼓但悲鳴  
寄言漁甫莫相笑  
早晚滄浪歸濯纓

出獄後作

孤危心迹竟難明  
俯仰悲吟恨未平  
失馬詎能窺倚伏  
解龜聊得廢將迎  
嵇公釣弋從吾好  
翟氏賓朋任世情  
未信星辰虛寶劔  
且從江漢濯塵纓



寄吳子

汝謝郎官今十年家貧樂事未全捐門前已有先生  
柳郭外元無季子田吊古遠遊張樂地尋幽還上問  
津船瀟湘樓閣晴無數春日留題遍楚天

室成

十年踪跡困塵埃小構堂齋闕草萊康樂石門躋險  
築少陵茅屋避誼開晚蘭籬菊幽香入煙柳霜梧歲  
色回燕雀衡門焉足賀求羊三徑喜頻來

許武昌邀飲西山寺中席上贈郭吳二部使

軒騎並從金刹駐絃歌遙向碧山聞巢邊鶴鶴窺遊  
客行處漁樵識使君絕壁松杉含晚照緣巖樓閣綴  
秋雲賓朋萬里過逢地惆悵風前落葉紛

寄江夏吳子

吳郎自號白鶴仙老去清狂更可憐詞翰獨矜桃葉  
詠賓朋多慕竹林賢悲歌擊劍臨風起痛飲登樓對  
月眠跌宕飛揚寧自惜竒踪俠氣任人傳

寄馮三石

馮公性氣本飛揚歷詆酣呼衆莫當處士久緣才見



忌步兵聊寄酒爲狂。一丘曲折藏花徑。萬卷縱橫閉草堂。獻歲風煙倘乘興。隨君理棹下滄浪。

冬夜懷童子

四海何人契最深。百年幾度遂追尋。褊心自信朱絲直。病骨誰憐素髮侵。干戈無能行抱甕。思君不寐起鳴琴。風江歲杪舟難進。書報吾生久陸沉。

試巾

老態侵陵短髮知。強顏結束試巾時。向人雅協漁樵侶。顧影何慚丘壑姿。新月舉頭從一墮。過雲送目任長歎。古來高士誰堪效。折角風流是我師。

周都閩歸長沙寄贈

將軍長揖出江城。笑解兵符野服行。尅敵無慚古名將。談經元逐魯諸生。桑榆日短歸何恨。薏苡天高謗莫明。衡嶽洞庭收壯觀。玉關銅柱謝浮名。

過玄妙觀有贈

神君樓閣枕江濱。鍾磬時時霄漢聞。仙至忽逢青鳥使。賓來頻舉白鵝羣。當筵揮灑皆成雨。煮鼎飛煙盡化雲。雙鬢向衰潭欲盡。洞天石髓若爲分。



遣悶

病起衰顏聊自媚  
春深笑口向誰開  
五男不學從渠懶  
三徑俱荒阻客來  
日展琴書從潦倒  
雨拋巾舄漬莓苔  
交游物化今餘幾  
倚杖看花首重回

對鏡自嘲

晨理白髮臨青銅  
乍對翻疑何處翁  
童心未除驚貌改  
壯志不就悲途窮  
五嶽擬遊誰縮地  
一丘偃臥閒書空  
極知老醜安用爾  
攬衣起舞仍豪雄

對鏡自慰

年當知命轉多憂  
蒲柳俄驚颯已秋  
禿鬢自令慚朗鑒  
褊心元不怒虛舟  
雲霄日起非先達  
泉壤年來半舊遊  
老子生涯良已足  
加食狂飲復何求

病後答友人

一畝居連郢客鄉  
三年愁隔漢川長  
青山各有幽棲志  
白雪遙傳寡和章  
自傍雲霞開藥圃  
不將塵土灑荷裳  
洞庭雪後煙波濶  
花底乘舟到草堂

與元瑞宿永寧寺

陳沂

梵宮高棟幾攀躋  
還傍蕭臺入舊蹊  
四野暮煙人欲



靜滿林寒磬鳥初棲窻間蛩語同僧寂樹裏星光向  
客低此際對牀那易得出門岐路各東西

與元瑞飲高座寺晚登雨花臺

梁皇臺畔氣蕭森古寺紆回衆壑深霜葉漫傷離客  
思雲山多負故人心行添短褐寒初動坐促飛觴日  
易沉不盡豪吟滯歸去更乘煙色上高岑

上躬臨雍祀先師孔子陪祀

清蹕臨雍降寶輿宮牆親視曳皇裾乾坤再闢義圖  
上玉帛猶存魯殿餘珮雜樂聲飄兩序弁回星彩動  
周廬詞臣獨預趨踰蹌後左右冠裳奉穆如

東林寺

東林初日訪禪宮天外孤峰憶遠公今過虎溪惟自  
笑向修蓮社與誰同苔滋折屐山中雨花落高壇樹  
杪風坐久佛前香亦滅始知人世本來空

郊壇燕集

馬汝驥

北極冠纓紫氣分南郊樓閣坐氤氳鶯啼苑樹瓊筵  
合燕蹴壇花錦瑟聞二月衣沾星殿雨九天杯覆露  
盤雲莫言詞賦甘泉絕欲向仙都誦赤文



渡河

大河懸束翠崖中沙海煙天九曲通急浪秋翻千樹  
雨安流曉挂一帆風胡秦北圻鼉鼉窟箕尾西盤日  
月宮欵乃紛紛輕放舸不知估客定漁翁

對雪酬仲禮并簡稚欽

層城雪片晝逾陰坐玩佳人大雅音鄴郡風流應在  
此梁園詞賦到如今天邊梅柳春先濕海上魚龍凍  
不吟便約子猷鼓輕棹冰溪花磔繞幽深

同諸公登鳳臺山遂飲徐氏西園

勝地何年鳳鳥棲高臺乘暇共攀躋雨餘久徑  
滑雲裏迴欄翠竹齊城闕遙瞻天子氣江山獨憶  
仙題西園自此風花漫不惜金尊日爲携

公子池亭灌木陰柳絲桃萼况春深綺筵直與青山  
對錦瑟偏宜碧水臨樂飲一時俱緩帶豪遊百歲幾  
開襟古臺回首雲烟暮何日重聆彩鳳音

秋日寄友

許宗魯

與君別後鬢如絲君復何如未別時總爲新秋頻入  
夢更因垂老倍懸思閔河北望雲天迴鴻鴈南飛書



明言選 七律卷三十一  
信遲折取中山紫芝草臨風遙寄兩三枝

雪中賞芙蓉作

北地芙蓉已自珍雪中相對轉相親  
久同薜菊淹遲暮却共江梅逗早春  
出水風神元爾雅經霜顏色倍鮮新  
誰言造化無私物欲把榮枯問大鈞

立春夜燕師徵君宅醉中作

西涼豪士青春春燕南國佳人白雪歌  
醉裏不知身老大歡來那問夜如何  
纏頭錦段無勞惜到手金杯一任多  
白髮紅粧笑相向良宵爲樂肯蹉跎

草堂燕作涼爽適懷輒賦一章

雨後階除布綠陰草堂端合扁澄心忘形不設高人  
榻散髮宜抽處士簪綺皓逃榮當亦爾羲黃寄傲想  
如今閒來欲鼓南薰奏大雅更張久絕音

立春日汧邸春燕

應節梁園芳燕隄君王折簡召鄒枚  
五辛旋出迎春菜九醞頻稱獻壽杯  
綵袖驚鴻風苑轉玉簫吹鳳月徘徊  
宮梅苑柳爭先發不用連宵羯鼓催

春日園居雨中作



南山雲霧暗長安坐惜芳菲欲向闌  
海燕歸遲春色暮谷鶯愁劇雨浮  
綠柔添柳線垂金水濕重花鬢委  
繡欄安得東風扇吹雲出江走馬  
恣遊觀

盛明百家詩選卷之二十二

金陵蘭岵生朱之蕃選授門人周時泰校梓

七言律詩

二百一十九首

除夕感懷

許相卿

酒冷香銷夢不成逼人殊覺歲崢嶸  
老如舊曆渾無用醉戀殘燈亦暫明  
雪霰已應隨臘盡梅花寧復與春爭  
向來筋力虛名盡白髮無愁也自生

雨宿真如寺

夜雨僧齋滯客輿清燈高榻似吾廬  
玄談種種浮生



外茗碗泠泠半醉餘。雲路造天無款段。野情隨地有  
華胥。廿年回首紅塵萬象。寒影空堂。自愛予

芙蓉畫障。次是堂兄韻。

陸果

倚雲和露興難降。泣帶繁霜。蒂尚雙。何處園林偏夜  
月。幾船簫鼓過秋江。芳菲懶去依金谷。消息無緣到  
瑣窓。風裏白蘋高下。舞孤根。無伴影幢幢。

一笑

才色

裴廸當年慕好官。每教懷抱不曾寬。故人自到王陽  
位。何事空彈貢禹冠。北闕春風迎劍珮。西郊秋雨暗  
林巒。誰家鍾鼎誰藜藿。摠在先生一笑看。

二月行山澗見仙廟

周君祚

春日仙扉山澗開。宛如霄漢度樓臺。高峰實抱丹霞  
氣。流水爭穿碧玉堆。勾令朱砂遲歲月。玉喬鳧鷖出  
塵埃。遙瞻故國雲煙表。天柱嶙峋溟海迴。

還家

清江草色映斜暉。五月南風冷布衣。野水連天舟共  
入岸。花含雨客初歸。樓臺盡出青山外。尊俎爭看碧  
樹圍。回首帝城雙鳳闕。關心南國一漁磯。



仲冬柱后峰懷蕭尹王念覺給事

千山萬山林壑幽北風落木無時休天寒翠袖不勝  
薄日短黃塵何限愁掖垣上書遲歲月江鄉臥病阻  
春秋獨有故人王給事時來牛嶺可同遊

暮春偕宋生過后峰

后峰樓閣暮春間雲樹蒼明近自間一坐便令忘白  
日終朝長只對青山竹邊有客尋碁局花下無人理  
珮環藥裹關心談不廢石門蘿月夜方還

秋興

十里清江一草亭俠徒漁父慣曾經波明不受雙魚  
白地靜偏宜萬竹青阮藉窮途惟縱酒嵇康傲世實  
忘形錦林丹樹多寒落秋日羣山滿戶庭

侯秋官舜舉命題二谷卷

周沛

龍湫晴影落千峰鴈蕩秋雲鎖萬重丹嶺喬松停鶴  
馭紫岩華月秘仙蹤盤迴四谷東西入縹緲諸天上  
下逢桂籍少年方茂績琴樽何日許相從

寒食日毘盧閣上寄茂欽

高叔嗣

高樓晴出帝城南楊柳千家夜雨含欲換袞衣驚客



久况逢寒食思誰堪門前歸路愁心繞檻外群峰僻  
性耽憑報故人應共笑微身何事尚朝簪

東原晚望答李鴻漸

東原晚望草烟齊久臥無心出路迷閒立秋風看水  
落獨行斜日聽烏啼一官已謝於陵後百畝纔開華  
野西此地故人應念我逢人昨有數行題

遼州即事

羈愁日日與春增分省無功笑吏能官舍到時常是  
客山城多暇靜如僧新輝滿院朝來雪佳節空堂夜  
半燈最是上元無意味平時宴賞隔良朋

再次真定城別陳秉中時自京西還

經途雨雪涉冬春倉卒重過柰此身客舍留人村酒  
熟官橋繫馬柳枝新河山半折北來路烽火全驚西  
望塵別去定知頭白盡邊隅誰念一征輪

飲平定孫太守宅奉贈時壽八十二

榆關月出滿晴暉留客芳尊盡夜歸本戀青山辭虎  
竹甘垂白髮守漁磯藥欄傍戶花香入藤樹當庭葉  
露微便向磻溪問衰健周王仍欲夢熊非



將歸蘇門山題王度支誠甫潼川卷

十年出入紫宸班多病空知戀北山  
塵鬢獨憐爲客倦道心長共野僧閒  
行窺白石尋初徑坐對青松守舊關  
惆悵王孫不歸去潼川桂樹許誰攀

臘月十日奉迎大駕紀事

黃佐

奏凱歡呼大駕迴一時和氣滿燕臺  
端門日麗龍旂入馳道風清鳳吹來  
九廟神靈真有托百年文運定重開  
都人此日瞻依切共說君王有將才

雪後早朝

北風吹雪靜芳塵雪霽千門麗景新  
丹地祗聞鳴玉步碧天疑有散花人  
寒光掩映龍樓曉遲日熏成鳳沼春  
歸向柳邊凝立久試裁巴曲和韶鈞

春興

太液池頭萬歲峰波光迴合翠重重  
神人驅石開三島天子乘春駐六龍  
紫殿虛無餘御氣碧雲迢遞憶仙踪  
玉鳧黃鵠無消息長聽趨朝午夜鐘

送三江先生

吳門煙艇故知津寶帶朝衣照暮春  
蕉鹿夢中曾玩



世尊鱸鄉裏寂宜人三朝禮樂歸青簡八座聲華動  
紫宸心折此時瞻望地潞河南下柳條新

壽陳虛白鍊師

飈臺羽客宴星壇四座罡風六月寒絳節曾隨蒼水  
珮玄田應結紫金丹瑤池月冷飛青鳥珠樹雲深駐  
絲鸞知爾蓬瀛多浪迹摩娑銅狄待誰看

元日早朝

閣道沙堤雪未乾馬前銀燭霧中看踈鐘欲動飛宮  
鶴絳節初齊引珮鸞瑞日影浮雙闕表鈞天聲在五

雲端侍臣賦就陽春曲未覺瓊樓玉宇寒

暮春感懷

曲肱作夢客不到游絲滿空春正晴世事悠悠祗蕉  
鹿韶光冉冉但林鶯蔣陵山遠碧雲合郭隗臺高芳  
草平踏歌吹劍一翹首天北天南無限情

秋夜對菊

日隨麋鹿走山林豈有簪纓繫此心永夜鼓鐘欺鬢  
短小樓風露報秋深鸞聲自作孫登嘯龍卧誰爲梁  
甫吟瀟灑不知貧與病東籬元有萬黃金



初秋

玉河楊柳已蕭蕭，羈思逢秋轉寂寥。  
親舍每疑雲外近，長安翻覺日邊遙。  
浮名肯似尊鱸美，壯志寧隨髀肉消。  
自笑行藏渾未卜，巫陽堪問竟誰招。

遊泰泉席上與陳京兆天游鄧憲副沃泉分韻得文字

一尊何處可論文，買得青山近白雲。  
野色不隨秋氣改，松濤長共磬聲聞。  
翦茅漸作花三徑，種稻頻來鶴數羣。  
吟眺不知仙客去，滿林蘿月白紛紛。

重午謾興

蕭艾青青煙雨中，錦囊誰與奏薰風。  
駉驪駿騎來燕市，迢遞翔鷲仰漢宮。  
竹葉謾隨人意綠，榴花孤倚客窗紅。  
去年此日衡門下，笑采菖蒲碧澗東。

五塢山房爲盧師臣題

徐階

弗堂四面倚層峰，曲磴迴巒路萬重。  
吟榻夜涼邀月宿，書函春暖倩雲封。  
畫圖彷彿容旋馬，蹤迹分明識卧龍。  
我亦舊懷山水癖，卜居何日定相從。

龍山中行漸及幽邃

栗應宏



晴巒遠近草煙濃履杖逍遙世外蹤採藥偶然逢異  
境看雲不意入羣峰橋邊父老成黃石山上仙翁是  
赤松自覺漢陰機已息茲游麋鹿遂相從

贈李漳野侍御時閒居愛道言有所遇

解對蒼茫栢月寒蕭然空寂道心安欲探東海驪龍  
窟豈戀西臺獬豸冠梅福居家常養性葛洪辭國遂  
成丹祇緣遇識膠鸞後始覺從來世路難

登太山

太嶽岩崑凌太空宮漢時草煙

零露朝昏

易漢漢浮雲世代同東庠欲隨蓬島客上清應會三  
宸公海田陵谷尋常變安得神遊一御風

冬日東門道

蔡羽

東門緩帶步金坡鍾阜流煙繞磻阿霜後故園無橘  
至雪前天氣似春和踈絃古澹時堪撫雄劍悲鳴獨  
柰何果是帝畿平若砥江邊官舍白雲多

新春旅懷報東橋中丞

門徑斜斜一半荒鍾山終日抱茅堂春寒尚苦鶯聲  
澹雪水新生魚藻香白鳥寄書三月到青崖歸夢十



洲長故人唯有通翁近未得籃輿探錦囊

清明日張月鹿至

雞聲東傍禁城隅官舍青青繫白駒上苑花枝淹舊  
雨御溝楊柳發前湖風光未判春多少弦管難明恨  
有無綠草漸高隄漸沒憑君推牖瞰鷗鳧

春去

萍藻經春高石牀水亭終日柳花香坐忘屋裏青山  
近卧起天涯綠草長楚國登樓空作賦梁園啼鳥苦  
思鄉東欄芍藥二年別誰護西湖夜雨狂

立秋日客去與啓之靜坐

蟬噪新涼江雨輕芙蓉沼上陰生東家樹影屏間  
綠北礪泉聲雲外清履齒乍臨驚夢破苔痕新長與  
階平漢庭侍從今虛曠不是文園嬾送迎

次韻師陳懷歸

文徵明

塵沙荏苒變鬢眉疾病侵尋與老期杜甫未陳三禮  
賦張衡空有四愁詩興飛笠澤羨菰米夢落橫塘聽  
竹枝日暮葛衣涼欲透木犀風急雨絲絲

秋夜不寐枕上口占



中夜思歸轉繆悠夢成剛在百花洲一痕翠靄山圍  
郭十里紅闌水映樓雨過隣僧邀看竹月明僊侶伴  
吟秋誰令拋却鄉關樂博得黃塵撲馬頭

九日迎恩寺

家在江南胡不歸薊門三見塞鴻飛滿頭白髮羞吹  
帽四野清砧憶授衣愁裏漫逢佳節至樽前殊覺故  
人稀夕陽萬里煙波濶莫自攜壺上翠微

次韻荅唐雲卿

關河歲晏客衣單滿鬢秋風裹鵝冠塵土自憐疲馬  
老江湖誰念白鷗寒去來信有天機在閱歷方知道  
路難憔悴不忘漂泊處方舟水雪潞河干

潞河除夕

黯黯離愁酒半醺不眠閒讀送窮文旅窻燈火寒猶  
在村巷雞聲歲又分千里家山歸有漸百年心事老  
無聞未妨去國還漂泊已把閒身等白雲

閶門夜泊

閶闔城西暮雨收西虹橋下水爭流蒼茫野色千山  
隱突兀寒煙萬堞浮燈火旗亭喧夜市月明歌吹滿



江樓鳥啼不復當時境  
依舊鐘聲到客舟

春雨

春雨蕭蕭草滿除  
春風吾自愛吾廬  
高情喜誦閒居賦  
老眼能抄種樹書  
金馬昔年貧曼倩  
文園今日病相如  
焚香燕坐心如水  
一任門多長者車

春日閒居

深巷無人晝掩扉  
新晴庭院綠陰肥  
柳風吹絮河魚上  
花雨沾泥海燕飛  
殘睡未能消卯酒  
乍暄聊復試春衣  
春光綠遍江南草  
多少王孫怨未歸

聞蛙

弄燈照壁睡微茫  
閤閤群蛙正繞堂  
細雨黃昏貧鼓吹  
誰家青草舊池塘  
年來水旱真難上  
我已公私付兩忘  
爲謝繁聲休強聒  
吳城明日是端陽

聞鴈

尺書不至意茫茫  
酒醒俄驚鴈北翔  
迢遞秋聲連朔漠  
蹉跎歸思滿衡湘  
五更風雨青燈暗  
萬里江湖白髮長  
四海平生幾兄弟  
年來零亂不成行

聞磬



明滅秋燈鑑薄帷誰家搗練夜遲遲驚回短夢千門  
月不斷西風萬里思歲晚江城偏自急天寒閨閣最  
先知高樓人靜星河爛正是霜華欲下時

聞鷄

乍鳴滄海日東昇再唱長安萬戶醒風雨何曾迷曉  
漏霜天還解散疎星誰憐半夜燈前舞嘗自衝寒馬  
上聽此日山窻呼不起壯心回首總凋零

太液池在乾明門外周凡數里環以林木躋以  
石梁瑤華島在其中

波漾滄池混太清芙蓉十里錦雲平曾聞樂府歌  
未盡鵲還見秋風動石鯨玉螭連蜷垂碧落銀山縹緲  
空灑瀛從知鳳輦經遊地鳧鴈回翔總不驚

瑤華島在太液池中上有廣寒殿相傳遼后遊  
息之所

海上三山湧翠鬟天宮還在碧雲端古來漫說瑤臺  
迥人世寧知玉宇寒落日芙蓉煙裊裊秋風桂樹露  
溥溥勝遊寂寞前朝事誰見吹簫駕綵鸞

承光殿在太液池上一名圓殿中有古栝數百



年物也

小苑平臨太液池金鋪約戶鎖蟠螭雲中帝座團瑤  
蓋城上鈎陳繞翠旂紫氣曾迴雙鳳輦青松猶亞萬  
年枝從來清蹕深嚴地開盡碧桃人未知

龍舟浦在瑤華東北有水殿藏御舟

別殿陰陰水竇連漢家帝子有樓船蘭橈桂楫曾干  
里錦纜牙樁憶往年汾水秋風空落日隋堤楊柳漫  
青煙今皇別有同民樂不遣青龍漾碧川

芭蕉園在太液池東崇臺復殿古木珎石參錯  
其中又有小山曲水實錄成於此焚稿

小山盤折翠雲遮松檜陰陰輦路斜草長蘭亭迷曲  
水雨深桃洞自飄花紫雲依舊圍黃屋青鳥還應識  
翠華知是史臣焚草地文光隱隱結紅霞

南臺在太液池之南上有昭和殿下有水田村  
舍先朝嘗於此閱稼

青林迤邐轉迴塘南去高臺對苑墻煖日旌旗春欲  
動薰風殿閣晝生涼別開水榭親魚鳥下見平田熟  
稻梁聖主一遊還一豫居然清禁有江鄉



樂成殿在芭蕉園之南引水爲池池中爲三亭  
架朱梁以通左右浮以小山名曰九島別殿鑿  
澗激水以轉碓磨南田穀成於此春治故云樂  
成

太液東來錦浪平芙蓉小殿瞰虛明赤欄蘸影雙龍  
卧綠水浮渠九島輕漾日金鱗堪引釣拂天翠柳亂  
聞鶯激流坐看飛輪轉天子無爲樂歲成

兔園在太液池西崇山複殿林木蔽虧山下鑿  
石龍激水自地中轉出龍吻

漢王遊息有離宮瑣闥朱扉迤邐通別殿春風巢紫  
鳳小山飛澗架晴虹團雲芝蓋翔林表噴壑飛泉轉  
地中簡樸由來堯舜事故應梁死不相同

雨中放朝

霏微芳潤氾霓旌歷落丹墀散履聲暝色浮煙送左  
掖碧雲將雨近西清柳垂青瑣千絲重水落銀橋萬  
玉鳴沾灑不辭袍袖濕天街塵淨馬蹄輕

雪後長安門候朝

月滿長安雪未消分明銀海瀉秋濤光搖萬馬瓊珂



亂勢壓雙龍玉闕高曙色漸分鳩鵲觀凝寒猶在鷓  
鴒袍負薪亦有號饑者願得君王發漢殿

恭候大駕還自南郊

聖主迴轡肅百靈紫雲團蓋翼蒼精屬車劍履星辰  
麗先駕旂常日月明十三歲及傳警蹕萬方和氣協  
韶黼白頭欣覩朝元盛願續文頌太平

翰林齋宿

春星爛爛燭微垣坐擁青綾夜自闌宮漏隔花銀箭  
永蓮燈垂燼玉堂寒坐聆宵柝霜圍屋想見郊禋月  
滿壇鈴索無風塵不到始知仙署逼金鑾

夜坐聞雨有懷子畏次韻奉簡

皋橋南畔唐居士一榻秋風擁被眠用世已銷橫槩  
氣謀身未辦買山錢鏡中顧影鸞空舞櫪下長鳴驥  
自憐正自憶君無柰冷蕭然寒雨落窻前

和荅石田先生落花

亦也

飛如有戀墮無聲曲砌平臺看漸盈細草栖香朱點  
染晴絲撩片玉輕明江風飄泊明妃淚綠葉差池杜  
牧情願是主人能愛惜不曾緣客掃柴荆



亦知芳事去。還來眼底飄飄。自可哀春漲。平添棄脂  
水曉寒。思築避風臺。沾衣成陣。看非雨點。徑能勻襯。  
有苔穠綠已無。藏艷處。笑他蜂蝶尚徘徊。予也

夏日飲以可池亭

筆牀書卷繞壺觴。到此欣然百事忘。自笑頻來非俗  
客。只愁難却是清忙。池塘聽雨煩心淨。軒檻迎風醉  
面涼。綠樹綠垣啼鳥寂。更從何處覓江鄉。

余每至陳氏輒終日淹留。廳事高明。頗妨偃息。  
以可爲治小室於西偏。問名於余。爲題曰假息。  
菴其成也。以詩落之。

剪棘依垣小築居。短簷橫檠紙窻虛。造門已慣非緣  
竹。據案相忘况有書。徐孺每勞懸木榻。陶潛何必愛  
吾廬。從今更不論賓主。一半幽閒已屬余。

梨花

予也

剪水凝霜妬蝶羣。曲闌風味玉清溫。粉痕浥露春含  
淚。夜色籠煙月斷魂。十里香雲迷短夢。誰家細雨鎖  
重門。洗粧見說清明近。旋典春衣置酒樽。

咏春江花月夜

唐寅



麝月重輪三五夜玉人聯槩出靈娥內家近製橫汾  
曲樂府新諧役鄧歌十里花香通綵殿萬枝燈焰照  
春波不關仙客饒芳思晝短歡長柰樂何

遊金山 手色

孤嶼峻嶒挿水心亂流携酒試登臨人闕道路江南  
北地上風波世古今春日客途悲白髮給園兵燹廢  
黃金闍黎肯借翻經榻煙雨來聽龍夜吟

焦山 手色

鹿裘高士帝王師井竈猶存舊旨隱基日轉露臺明野  
溷潮隨齋磬韻江湄天從西北開天塹地到東南缺  
地維翹首三山何處所却看身世使人悲

觀鰲山

仙殿深嚴號太霞寶燈高下綴靈槎沉香連理三珠  
樹結綵分行四照花水激葛陂龍化杖月明緱嶺鳳  
隨車簫韶沸處開宮易法仗當墀鴈隊斜

暮雨投員通寺宿

王慎中

野色蒼蒼遠寺微因聞鐘梵起歸依僧閒正伴谿雲  
返客倦偏逢夕鳥飛一院燃燈通暗路滿空香雨沐



塵衣齋心願學無生理漢綬嬰身歎跡非

和巡撫陳中丞得告歸韻

華察

洞庭一葉驚秋早東帶何如掛冠好白露宵分鴈渚  
寒青天雪滿蘆洲曉中流已幸息風波末路安能殉  
機巧南嶽由來多隱淪歸伴漁樵可終老

朝出山莊

樊鵬

鷄鳴鐵鎖郭門開出郭  
井天晴花氣入樓臺鳥從樹裡聞歌下人向溪邊載  
酒回他日幸從樓隱意片雲深處即蓬萊

滕氏水亭

高亭西郭尋常到石徑穿花不易尋  
賞清江六月坐蕭森簾中草色侵閒幔窗外波光接  
暮林西北瞻天餘萬里浮雲落日總關心

九日在鳳翔作

高秋風雨暗岐陽暑院寒齋菊自黃幾處登臺逢令  
節一尊對酒是他鄉秦山隴水鴻應阻羌笛笳聲  
欲霜爲道宦途無樂事惟應旣醉頌時康

關山



關勢岧嶢接太虛，屈盤飛棧萬重餘。  
羗人城壘孤征外，秦地山河四望初。  
霧擁羊腸晴亦晦，雲隨馬足卷還舒。  
江南渭北應回首，鴈陣空愁尺素書。

簡金侍御敷華訪密雲赤肚仙人

屠應峻

聞有仙人下紫庭，欲從君去問長生。  
夜眠水澗魚爭躍，行嘯山林鳥不驚。  
在野但看雲冉冉，御風時覺晝冥冥。  
冥冥亦知畿甸乘，驄貴爭似蓬萊跨鶴行。

遊城東觀

病起尋遊強杖藜，琳宮寂寂枕迴溪。  
繁花向日俱宜笑，幽鳥逢春各異啼。  
雲滿客衣庭樹合，氣薰山酌芷蘭齊。  
郊行亦有桃源在，明日重來路不迷。

日復

不見諸仙人，城上高樓空復春。  
勢極中原臨岱嶽，非吾土異三秦。  
遙憐避地東方朔，生有相知賀季真。  
斗酒狂歌自今古，志存刪述與誰論。

晚憇東平劉中丞原清招飲不赴投贈短章

義旗初淨楚江氛，報國無家豈論勲。  
三鎮擁旄占勝



氣中臺執法應星文素書早歲傳黃石綠野新開卧  
白雲共道東山多景色獨隨卿月望氤氳

荅子重枉過草堂兼携酒貲之作

王 寵

清夏茅堂霽色鮮紫微修竹淨娟娟陳平已愧淹車  
馬陶令何須乞酒錢鶴鶴摩空終遠去燕鶯交語處  
相憐開樽人解人間世露頂同參醉後禪

石湖作

勾吳山水秀西南雲白天青萬嶺含峭壁搏風防俗  
浪中流湧日恣成嵐金支翠節虛無見貝闕銀宮縹  
緲參漭漭乾坤祗自役草堂長枕百花潭

夜飲袁二尚之

檢書燒燭成高宴奪雉呼盧縱酒狂江左英雄還踏  
蹬天南星斗鬱低昂彈歌易下清秋淚燕裏初凝午  
夜香萬事無端渾得醉側身天地更茫茫

山居

山鳥羣飛多好音蒼苔白石淨中林前峰麋鹿窺人  
過半壁藤蘿礙日陰萬里冥冥黃鵠羽百年落落紫



芝心未論戰勝遠朝市遮莫狂歌任陸沉

春半

南山吐氣曉氤氳萬樹桃花和白雲翻空蛟蝶已無  
數穿葉流鶯几幾羣獨客琴中哀鶴操野人衣上彩  
霞文天涯兄弟勞相憶春半音書未得聞

曉

日高風細林中眠乳燕班鳩鳴半天傷春老去怯花  
鳥痛飲朝來中聖賈流水高山心不競白雲飛絮夢  
相牽當門柳色青無賴誰爲淵明乞酒錢

夏日草堂撤去窻戶肆設簞几清風洞越藤竹

交蔭悠然有得作

錦石疎花暑氣清翠巖丹壑夏雲生已添海燕梁間  
語直看湖帆鏡裏行四壁驚飈弦索響千林修竹簟  
紋明令人却憶王車騎更覺西山爽氣橫

諸友夜燕山亭達曉

白鶴青巖秉燭游石湖星斗映天流多才潦倒如河  
朔此文山川卽庾樓殿閣鐘鳴蒼靄散海門日躍赤  
光浮栖栖甯戚何爲者長夜哀歌獨飯牛



端陽過錢二孔周

爲愛堂前嘉樹林，  
條然如坐翠微陰。  
閉門丘壑堪忘世，  
觸目禽魚總會心。  
縱酒尚憐豪士態，  
擊壺休詠白頭吟。  
榴花艾葉催時序，  
甲子泥塗已陸沉。

和文待詔懷昭慶寺之作

明光起草五雲邊，  
猶憶同叅雪竇禪。  
花雨石牀聽說法，  
竹林茶鼎愛談玄。  
拂衣未許還廬社，  
飛夢時能墮洞川。  
借問玉皇香案吏，  
何如兜率鍊形仙。

西山木落秋已分，  
千峰萬峰新霽文。  
望中澹澹入無色，  
空外泠泠如有聞。  
白羽低翻碧湖水，  
蒼松靜度青天雲。  
茹芝採蕨有高士，  
擊節長謠鸞鶴群。

題山人家

山人抱甕石湖陰，  
苦竹藤花密作林。  
顧汝真成麋鹿性，  
令予消盡市朝心。  
遶門流水禽魚得，  
入座東山巖壑深。  
漸喜浣花成近局，  
短衣高笠自浮沉。

病起還山諸友置酒相慰

閑雲飛鳥一身輕，  
却笑嵇康論養生。  
累月竹林疎酒



伴新秋石壁尚流鶯廬山結屋狂司馬江左逃名醉  
步兵寄跡乾坤何足問玉杯銀盃爲君傾

閒居

逸舍扶疎千樹林古臺鶯語晝沉沉山童戲舞調雙  
鶴病客閒居習五禽阮籍猖狂讐禮法仲長樂志薄  
朝簪憑高更覺青冥遠弋者徒聞黃鵠音

尚之過飲菊下有作奉同一首

菊花爛熳開滿堂白雲翠壁搖秋光管寧榻靜坐終  
日陶令籬疎時一觴野鶴向人紛自舞浴鷗喧渚澹

相忘老農饌客唯龜糲私賞南山萬壑蒼

劉司空南坦自呂山遠寄松英藥餌

當朝曾侍侍中貂步履星辰上紫霄忽憶故山還拂  
袖閒臨流水卧吹簫坦林晝雪團松蓋弁壑春陰長  
藥苗寄我遠從丹洞口報君惟有白雲謠

過黃州

王格

三年飄泊芰荷裳此日孤舟楚塞長西渚白雲悲郢  
國東風赤壁憶周郎竹樓苔蘚江城古海鶴翻飛野  
夢狂斗酒未酬明月興暮天霞霧鬱蒼茫



懷春

春雲日暮滿南山紫燕飛隨返照還江海未收遷客  
淚京華遙憶美人顏孤城裘馬三年暗寶劔風塵萬  
事難聞道漢皇開白虎班生惟念玉門關

新樂道中卽事

平臯南望渺無津匹馬行行曙色分比岳清宮生紫  
霧中山官道起黃塵春過二月風逾暖地近三河柳  
漸新解劔東樓聊一醉野花村鳥漫隨人

望太行野寺

谷口清泉帶草堂春風終日水花香幽僧定後鳴山  
聲旅客愁來夢石牀異域緇塵憐病拙炎天車馬愧  
行藏何當解綬歸蓮社閒與仙人卧竹房

冬夜卽事

河城寒色晚蒼蒼戍鼓林烏送夕陽秋盡黃花猶吐  
葉望前明月正生光彈冠空羨梁園好懷土誰憐郢  
路長終夜青燈不成夢鷄聲啼落滿庭霜

贈樂大叅

聞君昔隱豫章間雲卧煙棲十載閒滄海獨傳青鶴



夢黃麻重拜紫薇班秋風攬轡酬明主尊酒逢人念  
舊山我亦江臯初罷釣歸心日夜阻河關

大駕還京

袁 袁

霓旌曉發罷東巡羽衛天行望紫宸黯黯風雲懸太  
白闐闐鏡鼓翼鉤陳長楊校獵陪群后岱嶽登封禮  
百神問俗陳詩重游豫千秋詞賦鄙橫汾

謁岳武穆祠

朱仙當日恨班師地裂天傾宋室危百戰河山空左  
袒千年松柏盡南枝江湖夜月英魂現禾黍秋風故  
國悲和議祗談秦相失燕雲先已棄遼夷

宗伯昭過訪辱詩奉答

蓬戶蕭然仲蔚居忽傳高士駐文輿憐君失意長爲  
客顧我窮愁強著書海內獨憐青眼在花前猶恨綠  
樽虛石湖新水晴如練好買扁舟去釣魚

次電白觀海

電白城高海上開飛樓千尺俯蓬萊三山隱見從空  
起八極溟濛入望來蜃氣朝蒸疑是霧潮聲晝湧忽  
如雷遙思驅石當年事直欲乘槎去復回



和王員外首夏遊南內

陳束

皇家秘苑自逶迤  
標境煌霄迴蔽虧  
縹翠千重縈雜樹  
輕絲百丈戀交枝  
當軒支石天濤取  
遶逕瓊花月宇移  
不羨汾陽風景麗  
爲觀今日長卿詞

贈汪御史山居

小山下築背孤城  
大隱青春早謝名  
門長綠蘿時掛  
崖溪分流水幾投  
纓霜前鳥去收遺  
菓雨後鷓肥拾  
大寂歷山亭無一  
事時從羽客話長  
生

送李予

山城細雨綠蕪滋  
黃鳥關關送別時  
海內爲隣千里  
近湖邊傾蓋十年  
遲蟬聲驛路催官  
騎草色河橋暎  
酒旗遙想經行多  
逸興逢人莫惜寄  
新詩

送友

黃省曾

荏苒杯前感物華  
送君江上獨乘槎  
林披倒嶼千雲  
繞境接平沙片月  
斜洞口桑麻堪避  
世谷中鷄犬自  
宜家風塵回首俱  
形役願學茅公餐  
紫霞

虎丘宴客

春山秀色流氤氳  
芙蓉獨倚無人羣  
高竹明含紫空



日瑤花淨染青天雲駐席仙杯翡翠亂迴撓玉笛魚  
龍聞西林新月出何事澄江爲照黃山君

吳天斗折攀花丘問壑尋池可自由翠島珠林曉齊  
出鮮魚石壁春爭流彈琴竹徑過青鳥洗竿桃波迴  
白鷗山公騎馬醉歸去煙霞爛熳誰當收

高雲落日辭虎丘白岸垂楊仍夜遊千林盡作明月  
色澄川獨映銀河流星野虛含萬里動漁舫燈起三  
江幽玉山將倒醉無那歸來彩筆揮青樓

仰露清蟬碧柳催登遊海涵吳天開校壺帝子玉鳥  
墓張樂生公貝葉臺炎雨微沾白羽扇輕霞散覆黃  
金杯傾羲丹氣染林木徙倚觴吟猶未回

竹下晚歸恍有月色

臨池坐檻弄霏微著屐扶筇竹下歸雪路杏生風撲  
面煙空忽漏月沾衣清狂戀友宵行團傲散耽遊晚  
叩扉鳥雀何緣棲亦暮投林尚有一羣飛

與陳郡推乞丹砂牀子

桃花空望列仙家芳草難回兩鬢華雲裏未逢青鳥  
使山中長想白牛車居林膳薄惟餐蕨買藥囊空只



餌霞不老近看劉向錄從君寫詠乞丹砂

擬內苑春風

飄飄起自太平東頃忽來吹萬歲宮中觀影搖千柳  
色上林香散百花叢常傳帝樂流人世慣領仙雲滿  
禁中願借天聲歸須誅揮毫不數大王雄

春陰

朝霞襟帶綠煙堤紫綵輕雲壓苑低芳柳嬌鶯藏宿  
霧碧蘭初燕拂新泥宮花未見仙階影獵騎虛聞錦  
路嘶開幌山河佳氣滿氤氳彩翠望中迷

虎丘詠

東也

芙蓉近倚闔閭城眺閣觴樓逐勢成珠寺翻爲歌舞  
地青山盡是綺羅情巖花吐學紅粧麗谷鳥啼兼鳳  
管聲十里垂楊芳草岸四時常映彩舟行

立春日

黃姬水

芳辰起沐強冠簪曉色希微動遠林殘雪經旬偃幽  
薄條風一日變鳴禽黍生寒谷燕人律蘋綠江南楚  
客吟歲歲每開長命酒任教青鏡二毛侵  
十三日集幼于齋中夜過叔載水壺館



明言通  
七律卷二十一  
五三  
纔過求仲還羊仲不憚衝泥野逕前遇酒每從墟曲  
飲懷人即是剡溪船月沉花外春鐘動雪覆簷間夜  
燭燃良友蘭時合歡賞那能虛擲此芳年

南都逢友人作

豈因貧賤事干謁閉戶著書無斗糧猶耻王孫一飯  
惠難忘俠烈五陵狂黃金散盡留顏色白髮歸來歌  
慨慷相對秋風都市酒青天不語泣干將

山居雜興

田汝成

深居簡出意如何一任頽垣長薜蘿蠶月閉門無客  
到花時對雨有鶯過鑿經欲定名方少琴譜曾翻雅  
調多淺碧溪頭閒白鷺近人無復畏虞羅

何必金丹問大還好將時日度人間岩前掩卷雲回  
懶松下彈碁鶴伴閒喜對清尊邀北海耻歌白石怨  
南山莫言散客渾無用曾展風霆震百蠻

揚州再會黃吉之

張詩

去秋原上遙相見茲歲揚州邂逅時江雪一天飄錦  
席園梅千樹照金卮醉披海嶽吟懷壯詩灑瓊瑤旅  
興竒潦倒故人君莫笑腰蟠龍劍鬢如絲



揚州同少泉月下泛舟

煙淨蕪城夕，渚幽杳如天上。駕仙舟，帆檣細倚，踈星動。河漢高懸，明月流白首。江山仍載酒，錦袍吳楚，好同遊。蒹葭霜露蒼茫外，北斗遙連故國樓。

崔西峨山中別起樓臺寄贈

山人習靜，謝氛埃甲第，遙從天上開。流水自來成澗壑，閒雲終日護樓臺。珠簾度鶴，窺金篆，壁月流花。送玉杯，鞭石不勞，蓬島去，吹簫時引鳳凰來。

午日庭宴

唐順之

南薰應律轉朱旗，火帝乘離錦席披。榴吐千花承羽蓋，萸開五葉拂瑤墀。冰盤錯出仙人掌，金縷遙分織女絲。復道龍舟方競渡，銜恩共許向昆池。

詠崔後渠書屋

碧山學士隱墻東，叢菊蕭蕭卷幔中。開徑自須同蔣詡，著書元不愧揚雄。分畦粳稻清溪注，對戶峰巒翠靄通。未許棲遲三畝宅，還應密勿五雲宮。

送張學士歸蜀省親

曳履暫違金馬署，承歡遙入錦官城。欲從狄相雲間



望却向王陽道上行旌轉層峰朝雨色舟迴極浦夜  
猿聲到家已是初冬候却道林中笋又生

趙州懷古

千秋霸業消沉盡風俗猶傳趙武靈市上美人揮錦  
瑟場中俠客舞青萍鴈門北去通沙磧鳥道西來入  
井陘欲向平原訪公子蕭蕭賓館戶長扃

九月晦日鉤州公館見菊

天涯已逼三冬候客舍仍開九日花無那繁香經雨  
歇獨看踈蕊向風斜冷英實有騷人興送酒虛疑陶  
令家想像故園搖落盡倍令遊子惜年華

山莊閒居

身名幸自謝籠樊白首爲農誓不諼慣住山中知鹿  
性數行樹下識禽言巾車每許隣翁借書帙閒同道  
士翻醉後漸看松月上蒲村鷄犬寂無喧

遊神墩寺次壁間韻

新雨郊原草木柔葛巾藜杖此尋幽藤垂小徑蟬聲  
滿苔合荒庭鳥跡留隱几翻經聊習靜憑高望遠一  
銷憂相逢更是煙霞客携手同爲汗漫遊



廣德道中

蒼山百轉見炊煙，茆屋高樓古樹顛。  
細雨薜蘿侵石徑，深秋稷稻滿山田。  
雲中望影迷遙岫，草裏聞聲覺暗泉。  
倘遇秦人應不識，只疑誤入武陵川。

聞復官報寄京師友人

姓名不復挂朝參，魚鳥由來性所耽。  
篋裡符經都已廢，山中藥草漸能諳。  
踈狂自分三宜黜，懶病其如七不堪。  
深謝故人推轂意，莫將陽羨比終南。

和徐侍郎移居

何年挂却侍中冠，新築山居一畝寬。  
種黍聊爲終歲計，移花應待早春看。  
門依綠樹人稀到，身謝紅塵夢亦安。  
更是謝家兄弟好，長吟池草對江干。

元夕詠水燈

正憐火樹鬪春妍，忽見清暉映夜闌。  
出海蛟珠猶帶水，滿堂羅袖欲生寒。  
看花不礙空中影，暈氣疑從月裏看。  
爲語東君莫吝惜，借來宵還得盡餘歡。

陳渡草堂

近市偏逢食有魚，閉門不問出無車。  
牛衣聊自對妻



子蜡酒時將洽里問世網幸疎如野馬微名猶在愧  
山樗亦知農圃真吾事春至頻繙種樹書

有相士謂余四十六歲且死者詩以自笑

人情世事古猶今寂寞空林寄此心賢聖不分聊中  
酒虧成忘盡一開琴有書終日只掩卷無病長年亦  
擁衾即使癡然似桑戶未逢點也是知音

登屠翰林仍臺作

太史仙臺多勝槩正臨構李古城東五色雲生知海  
近四圍山遠覺天空閒居作賦青春後幾歲鳴弦明  
月中不是掖垣同宦侶閉閤那許得相逢

松江金澤寺

東南巨浸五湖深古寺維舟正夕陰客到山僧罷清  
磬雀喧晴日下高林夾洲烟火三家市蒲日蒹葭萬  
里心徙倚不知餘興盡月明還擬聽龍吟

天寧寺塵外樓

金門十載笑重登歸去仍依白社僧虛館靜聽宵蟻  
戰遠山時見夏雲蒸已耳散樸終年計耻逐冥鴻萬  
里騰爲問洛城冠蓋侶髮毛銷盡得閒曾



明言選  
七律卷二十二  
贈張贛州致仕還吳次達夫韻

田園舊在海東頭，海上新歸張翰舟。  
種菊不辭三徑晚，採蓴將及五湖秋。  
人情歷盡惟看奕，世事忘來獨倚樓。  
剩有著書心尚在，知君元不爲窮愁。

養病道院忽張君見訪不值奉寄

生涯歲歲藥囊間，已息交游亦未閒。  
土木形骸真覺槁，蓬蒿庭院只常關。  
偶隨道侶學禽戲，忽枉高人題鳳還。  
此夕知君向何處，多應弄月臥江灣。

雪詩和蘇韻

陰風吹隴麥芽纖，歲盡玄冥令更嚴。  
圍圃未春先綴葢，乾坤如海欲生鹽。  
山翁擁被思增絮，凍雀依人解宿簷。  
咫尺孤峰何處是，晴來好露白雲尖。

其二

大地文章散縮緞，小堂風物倍清嚴。  
灑來竹裡迷人徑，積向巖前訝虎鹽。  
但使曉寒欺短褐，獨宜夕影暎虛簷。  
瓊花柳絮皆無用，誰擬新詞一闋尖。

其三

蕭蕭凍樹晚喧鷗，門外誰來長者車。  
入夜俄驚千里



月開簾相對滿空花東郭先生猶敝履西關遷客正  
思家最憐漁父滄江畔閒倚孤舟一釣叉

其四

一片寒原蒲樹鷓鴣人掩戶罷柴車聊憑濁酒延春  
色試向疎梅問臘花草閣暎來書幾卷江城積處月  
千家此時忽憶荆溪道雲際雙峰聳玉叉

其五

空城無粟噪饑鴉陌上紛紛正滿車積礪暗隨泉竝  
滴入簾應與筆爭花芻米驟高新歲價柴扉旋掃野  
人家客來此日須沽酒梁上青錢那得叉

題湖上廢寺

古寺無人晝日開陰廊寂寂長莓苔何年飛錫老僧  
去此度折梅狂客來迸水乍如聞梵樂疎松猶自繞  
香臺人間俛仰成今古何必昆明有劫灰

題王世新一枝窩

因見弟兒皆有作余遂援筆  
戲書也

希世從來謝不能虛閒每與道心增交游息處孤松  
對今昔忘來一几憑夜讀陰符羞說劍醉過白社偶  
同僧如君自以鷓鴣比借問何人是大鵬



咏漂布架 子

娟娟素質寄孤標。出浴仙娥濕未銷。弄影自知迎日  
早。憑虛特覺去塵遙。將乘灑氣晞水骨。一任輕颺颺  
舞腰。移向海傍堪望處。錯疑鮫室掛寒綃。

人秋久矣餘熱尚在閏月十五日太平寨始見

秋怨

漫漫嵐氣半晴陰。城堞庭柯葉亂吟。始覺孟秋雲物  
至。因知宴歲旅情深。孤鷲影跼寒岩草。鳴咽聲連野  
戍砧。戈甲滿山乘塞卒。天驕何處欲相侵。

寄姜白二子

日閱軍容夜馬蹄。孤懷猶畏簡書稽。眼中親識皆夷  
貊。夢裏經營亦鼓鼙。畫省薰香行載橐。石渠校籍坐  
然藜。寄語雍容鳴玉子。可能相念到遼西。

贈副總兵馬芳

芳陷虜中十二年而歸在虜中亦稱為驍將

穹廬元以射雕稱。一騎常先萬馬騰。意氣肯甘胡地  
老。勲名終屬漢壇登。斫殘右臂方揮刃。殫盡追鋒未  
釋冰。歸自虜中還破虜。古來名將亦誰曾。

送程村溪還歙

陳鶴



觀吳長入萬峰行江路還家十日程楊柳畫船曾載  
酒石林寒寺半題名苦吟白髮先催老多病丹砂未  
見成他日黃山尋隱處與君開閣聽溪聲

古意

千家砧杵亂城頭新月微明江水流床外鳴蛩偏出  
夜風前白苧不宜秋愁連天漢無鴻鴈夢到關山見  
戍樓芳草不青蓮子落征夫何事好長遊

卧病雙溪山館見月寄張有功

溪邊桑柘映雙流病裏蕭條賦四愁坐雨幾宵方見  
月別君一日已成秋山深倦鵲猶依樹風靜飛螢自  
上樓託跡文園須共遣莫因鄉國嘆羈留

炎居苦俗因入蕭山養病張子成郊園

炎天病起厭逢迎借爾深山且避名偶對野翁忘出  
處暫隨農侶話陰晴林猿乞果時穿木海月窺人夜  
過城頗有流泉能灌圃隔窓時見藥苗生

同明卿明遠樓小集分秋字 宗室拱通

握手同登湖上樓西山百折控南州尊前萬樹低紅  
日濤際孤帆起白鷗乘興未須悲往迹放歌聊得狂



茲遊中原鼓角連滄海楚客覓銷不待秋

送李給事還朝

清時擁傳向承明萬里秋風動使旌碧落已驚天馬  
步紫宸重聽鳳凰鳴江淮百戰初聞捷遼薊諸夷尚  
阻兵明月夜梧焚草暇新題應寄豫章城

歸田

羅洪先

踈賤何心與物猜敝廬歸去正蒿萊灌園漸解憎多  
事種樹方知養不才手錄道經閒自誦門臨秋水晚  
憺開過從亦有鄰翁語又喜寬租詔令來

王筆峰叅政聞予歸田有寄倚韻奉答

踈狂元恃主恩深九死餘生荷德音不爲敝帷全舊  
馬豈容踈網縱羈禽籬花朵朵三秋色江水悠悠萬  
里心此日白雲迷世路獨煩問訊到深林

挽羅汝奎兄弟

白雲已逐水東流空有啼鶻送暮愁窮巷誰題凡鳥  
在殘書應伴蠹魚休雙墳寂寂青峰雨一夢悠悠素  
草秋爲見桃花倍惆悵春風何事不相留

開徑



階前秋草徑初除始識蓬蒿有敝廬蕉下藏身疑卽鹿水邊流目縱於魚風高因種先生柳地僻還逢長者車不用閉門頻掃葉隔鄰烟火是樵漁

洞中次答戚南玄見招

投身石室了生涯服食年年待玉華競道大方能玩世翻招小隱共移家一庭黃葉閒明月四壁青巖鎖斷霞已被山靈畱客穩豈須勾漏說丹砂

春遊

春日川原曉望濃東南山色翠重重劉伶遊計常攜鍾陶亮歸期每候鐘四壁有家還似寄一身多病遂成慵臨溪欲問漁郎路落盡桃花但古松

竹林寺

卽佛手巖

了無俗事卧松陰起共閒僧訪竹林丹藥不傳留塔影白雲猶在見禪心石如佛手摩僧頂谷轉禽言學梵音本是化城無住處被誰迷妄到如今

秋日登九僊臺

紫霄曾是仙家侶謫向紅塵歲屢催天上斗牛難再問峰頭笙鶴偶重來烟霞結屋畱相待鷄犬隨人住



不回爲語溪流莫嗚咽桃花終滿舊天台

又

游踪無定獨徜徉處處尋山得習忘不記歲年慚伯  
玉且依木石偶庚桑巖頭月出閒窺易谷裏松深可  
絕糧只恐樵夫隱名姓豹林曾有異人藏

雙江公同郭平川曾前川陳兩湖胡仰齋諸君  
見在敝廬別于玄潭有贈

雲深偏在懷人處木落將如歲晏何徑裏蓬蒿空自  
帶春山山水向誰多地非東井星還聚客到西湖鶴  
正過身徒心閒俱不偶未妨江閣且高歌

洞中雨

洞中無客不開關夢裏常疑是華山石影淡時雲乍  
起樹聲喧處鳥初還每思千古興亡事却負孤蹤宇  
宙間憑几暝來誰共語只餘花雨一庭閒

夜坐

東風無賴釀餘寒獨坐山樓夜向闌一卷孤燈言外  
省幾人萬事夢中看長途近遠悲停轍浮世升沉歎  
弄丸晴雨明朝定何似豈將年歲問支干



送張高郵赴荆府左史

剖符獨厭據名津受簡還來作上賓  
軫野星占荆國大漢廷王傳董生醇  
雲絺冰簟寧知暑翠殿朱甍盡向春  
禮法從容書疏少晝長棋墅對何人

京貴書數至

無能自合老幽居語及憐才只愧予  
盡道惡聲麾仗馬豈知察影縱淵魚  
山中一飯嗟誰力牕下多年伴古書  
黃葉乍飛紅葢發春風何意費吹嘘

遣興

沈愷

露冷江空木葉飛天清日靜翠烟微  
江鴻有約書難至籬菊無緣人未歸  
山入半江街夕照竹搖虛檻澹晴輝  
勝時莫遣空愁眼坐醉行吟月滿衣

憶家

坐嘯由來爲傲吏拂衣何日話平生  
官無列鼎千鍾願家有環溪五畝情  
老去清癯還似鶴年來踪迹恰如萍  
何如歸去草堂靜獨對梅花坐月明

喜聞少湖公入相

乞得吳淞一釣磯閒來常伴白鷗飛  
捕魚沽酒未嫌



俗就竹爲園亦可依老態漸看添白髮故人邑報入  
黃扉廟堂定有平胡策野子何妨卧草衣

園居

背郭新成一隱居春風依舊到茅廬偶因問竹逢僧  
話兼喜臨池寫道書隨處酒杯消日月半生詩夢落  
樵漁淺才本闕經時略白首耽幽計未踈

送馮雪竹歸蟠龍

聞道將軍解鐵衣山人依舊理漁磯月明有酒人皆  
醉雨過乘潮客自歸空谷竟投轄計白雲何處看

鴻飛別時已覺情難遣况復經秋意重違

賤生自遣

荏苒年光催短髻凄凉往事嘆餘生明珠按劍誰知  
已草閣探玄懶著名城市自耽山野僻茆齋長伴水  
雲清牀頭綠酒應初熟笑指梅花倒玉瓶

張西谷懸車

莫言傲吏懸車早爭似山中樂事宜空谷自憐塵不  
到碧山應笑主來遲鱸魚元是君家物秋社新添白  
老詩宦味古來嘗莫盡春風醒醉幾人知



徐長谷遊西湖次范中方學憲韵

幾年息影九霞深一日看出武林不道客星天外  
至爭傳白雪郢中吟煙消古塔懸清影寒入梅花澹  
遠心吾亦因君追勝事何時飛度共披襟

遊寶雲寺觀洗墨池

野寺荒涼嗟舊業西風弔古轉堪憐高臺寂寞空梁  
代古刻沉冥憶漢年書幌籠雲澹影濕墨花飛露鏡  
光圓莫教重問前朝事落日寒鴉一愴然

七夕大雨次高少府

江上行雲濕不收楚天時雨肅清秋但教遍野生禾  
黍何用登樓望斗牛漢使乘槎終落落星橋隔水自  
悠悠長年此日偏爲客遙指蘋花悵白頭

承天謁顯陵

江流漢遶稱雄甸鳳翥龍蟠本帝鄉百代寢園靈氣  
合萬年胤祚駿圖昌鼎湖氣肅風雲靜劍舄祥開口  
月光極目楚天無限意秋霜春雨歲時長

遊南嶽

獨挾仙風跨紫鸞飄然逸思振雲翰烟消翠盖千山



出人在清虛六月寒梵磬有時空外落曇花飛雨靜  
中看塵心到此渾無着天地高深一倚闌

秋日懷鄉

四海風塵常作客百年時序幾經秋空庭杯影搖明  
月何處笛聲吹滿樓采采黃花爲誰媚萋萋衰草喚  
人愁文園未解相如渴故國空懷范蠡舟

遇亂有感

遶郭烽烟徹夜明孤城擊柝壯心驚賈生易下憂時  
淚杜老空懷報主情花鳥無緣詩總廢干戈多事夢  
難成環溪溪水依然在何日臨流話舊盟

次莫中江園居

居近名園得所依懶隨時態與心違由來地勝因人  
重不信林深到客稀長日臨池王逸少青山戀石米  
元暉時危轉覺巖居好萬事無如一偃扉

晚次閩州滕王臺

任瀚

蘆荻陰陰王子臺秋濤冥冥猿嘯哀黃雲古戍踏歌  
去落日千帆賈客來江鶴倒窺如意舞岸花斜暎接  
離開月明水深不可渡石壁繫纜魚龍迴



固陵避暑西使至簡宋伯清都憲

籃輿乘興荻花洲  
謝遣朝班空復秋  
河朔真成避暑  
晏穆陵深阻望京樓  
漁樵老嬾音書絕  
關塞蒼茫氛  
稜收會倚江風助  
長嘯却須村笛破孤愁

碧牕小坐

環堵翛然一畝宮  
交加竹樹映編蓬  
移將渭上篔簹  
谷乞得淮南芳桂叢  
冉冉空青飄枕簟  
霏霏嵐翠入  
簾櫳  
玻瓈盃映槐芽餅  
竹葉還傾象鼻筒

鶴樊

休論華表與華亭  
要共花間作伴行  
邈矣遠從三島  
至戛然時向九臯鳴  
丹砂作頂霞爭炫  
織縞裁衣雪  
關明折柳殷勤與  
樊圃未須辛苦念曾城

嘉遜山居

枳籬茆屋竝山椒  
入郭都無十里遙  
拂曙閒攜桃竹  
簞臨流仍榜木蘭橈  
雲間穫稻留遺秉  
月下烹茶拾  
墮樵擬卜幽棲定  
僑札超然肥遜絕紛囂

閒適

習性從來但好閒  
衡門無事晝常關  
終朝洗耳臨流



水竟日支頤對遠山絕似安仁居洛溪恰同黃綺住  
商顏差科不動養飧給心與浮雲共往還

西苑卽事

皇甫冲

曉日曛曛照御隄君王身在大庖西雲邊鐘磬和仙  
樂日下旂幢雜綵霓侍從詔看玄鶴舞中官勅賜紫  
騶嘶長生殿上長明火不數秦王祀寶鷄

晚興

皇甫洵

悵望林巒返照微渚烟汀樹淨冬輝籬邊黃菊人方  
逸湖上青山興不違斜月暗催漁唱起片雲遙伴鶴  
飛歸近來好事相過少落盡寒霞獨掩扉

天界寺詩十卷上人聞已入楚

皇甫洵

松關靜閣塵塵盡童子花間笑候賓掛却袈裟看有  
相持來如意贈無因昭丘直指彌天路湘水遙通慧  
海津衡岳若逢飛錫後不知留偈與何人

普德寺

古寺城南訪六朝高臺一望幾蕭條門前黃葉催年  
暮林外青山覺路遙塔影常懸沙苑月鐘聲靜帶楚  
江湖老僧宴坐耽禪定送客何曾過虎橋



題史考功池亭

地卽謝公堰

名園十畝與城鄰，日夕風烟逐眺新。  
山學翠屏開作畫，水從金谷瀉成春。  
憑軒不斷啼花鳥，閉戶應逢看竹人。  
見說玄暉池尚在，知君前是謝家身。

贈盛秀才

避喧因就辟支禪，江左玄風屬少年。  
數借慈燈揮藻賦，更從積雪照韋編。  
潮生靜夜灘流轉，月上空林塔影懸。  
媿我閒來尋白社，逢君却在虎溪邊。

赴丹陽廣福寺與弟言別

古寺碑題二晉年，澄湖如練倚窓前。  
寒雲自覆金光殿，荒草猶埋玉乳泉。  
楓葉染霜秋後色，雨花和梵夜中禪。  
亦知閱水同觀世，不柰潮聲送客船。

贈萬督府

看君被服似儒生，不獨能文慣論兵。  
三十擁麾當外闥，一朝開府在西京。  
雅歌樹下留賓醉，清嘯樓中料敵平。  
更道深山尋羽士，功成應有赤松情。

簡文衡山

寂寞山居與自寬，厭聞海上有波瀾。  
蛩鳴北戶秋聲



起鵲守南枝夜影安老至馬卿猶抱病歸來陶令已  
辭官點蒼佳勝渾能記欲乞丹青作障看

郭兵曹邀登虎丘送趙司空獻捷北上同胡開  
府呂奉常周督學席間作

虎丘締賞逢初地鱗閣圖勳慶此筵已見兵威銷草  
木更看喜氣滿山川諸天香苑留清嘯子夜吳歌當  
凱旋自媿陳琳老書記欲從幕下賦燕然

尹山留別子約弟

野寺維舟日未曛越江從此路初分酒酣南浦聞驪  
唱夢遶西堂憶鴈羣草閣經秋來爽氣石床過雨絕  
塵氛青山堪卧那堪別祇自將心媿白雲

梅林開府招讌太虛樓

吳山高處靄氤氳幽壑晴開一逕分嘯倚樓臺逢越  
石心懸廟廟見希文湖中風景平堪攬海上烟波靜  
不聞樽俎勝遊戎事簡揮戈直欲駐斜曛

始登南明山

名山終日俯南郊出郭纔聞十里遙直向千峰探化  
閣暫依山樹息塵鑣梁橫斷壑雲常覆磴落踈泉雪



未消莫訝使君非，好靜桓伊今受遠。公招

鴈宕

千山行入鴈山中，猶道仙源路未通。鐘落風濤知近海，衣生雲霧若凌空。奇峰指點憑僧話，幽壑攀躋負鳥同。別向龍湫訪飛瀑，一林晴雨石梁東。

蔡少府招宴大佛寺乘夜湖泛

明府邀賓出郭西，梵宮張組面湖隄。兩峰日暝嵐才合，雙樹雲寒鳥半棲。信是中郎迎倒屣，不堪吏部醉如泥。古來秉燭堪行樂，况復舟回月滿溪。

寄唐應德編修

避暑曾看隱石渠，幽情終自返班廬。門前愛樹因栽柳，郭外疏泉學養魚。談笑每從林叟晤，浮沉翻混野人居。年來尺素長相憶，莫作嵇康不寄書。

太華寺詠落花

綖幌霏筵各有因，長安萬樹總辭春。殘粧帶雨猶含泣，薄質隨風易損神。信斷御溝爭似葉，香銷清路不如塵。朝逢鹿女銜將獻，證却從前色誤身。

別趙大洲司業

皇甫濂



相逢真愧說浮名何事捐軀瘴癘行諸將不聞陳豨  
伐書生直欲請長纓非關投筆要勲重自是蒙恩視  
死輕予亦孤帆隨譴去如君且莫厭承明

送陳子授周藩禮官歸洛下

策馬垂纓出紫闈看花笑指洛陽春坐談寶劍聊同  
俠醉解貂裘豈惜貧時過信陵傾片諾或隨文學曳  
長紳梁園此日方招客君去當逢擁筆人

楊村逢雪

江村飛雪帶長河莫是春深芳意多閒入柳檣添曉  
色翻隨鳧翼映新波何當漂泊愁中見况及蒼茫野  
外過解道我行淹水宿不嫌沙際竝漁蓑

和百泉兄春暮獨坐

忽聞遐想厭人寰直似年來學閉關烟棹未應浮鏡  
水茅茨先欲訪名山空庭春色花間逝高樹禽聲雨  
後還潛室狂生人豈解祗令添却鬢毛斑

黃致甫自秣陵歸叙

茅齋春思未應殘三月東風帶曉寒江上櫂歸消客  
慮庭中花發慰愁看却憐嵇夜長違俗莫笑梅生早



掛冠世路總嗟人易老衰顏何處問還丹

自詠

不復彈冠與世疎丹霞蒼竹愜閒居每因鏡裏憐芳  
序幾向山中訪素書機事已忘爭席後交情空見署  
門初雲深莫更求顏闔久謝來過長者車

盛明百家詩選卷之二十三

金陵蘭嶠生朱之蕃選授門人周時泰校梓

七言律詩

二百四十一首

訪方隱君金華山中

孔天胤

春山深曲訪巖栖且喜桃源路不迷一室盡攢雲裏  
樹空園全遶石中溪川觀魚鳥心無累礪束荆薪手  
自携酒性更能如五柳花林相許抱琴躋

野望

一望空林斜日陰蕭條不盡歲寒心風翻蓬草荒塗



急雲擁關門亂雪深代馬自憐饒北思商弦誰復理  
南音卜居卽欲捐長珮何處青山碧樹岑

自題前山草堂

蔡汝楠

草堂舊結北山阿逋客還家洽薜蘿遶院松林嵐翠  
重滿庭蕉葉雨聲多清樽自對叢花發高枕無如啼  
鳥何若道世情堪澹處門前終日俯滄波

施璉川諸春江侯二谷見過於居

庭深迥隔九衢塵燕寢凝香引上賓官跡自緣同署  
密交情更覺異鄉親秋鴻鴈傳清響向晚煙霞

近隣取醉漫宜花對酒未歸還待月隨人

靈谷寺送唐默菴兼簡錢南郭

西曹出祖向東林勝境那堪離思侵山徑踈松分曉  
翠郊原平楚帶秋陰空江鳧鷖天邊影上國鷓鴣夢  
裏心此去山公定相問嵇康好嬾別來深

中秋同諸公憑虛閣夜眺

清秋勝約謝羣公曲磴盤雲入梵宮明月影懸孤塔  
外洞簫聲遠一更中林踈未見丹楓葉天靜初流紫  
塞鴻望裏朱門歌舞夜寂寥此地獨論空



明言選 七律卷二十三  
寄唐一應德

早承優詔返林居，滿院蓬蒿仲蔚廬。  
野徑採樵逢射雉，水鄉穿沼試觀魚。  
碧山相對幽情愜，愚谷爲隣世事疎。  
聞說經年謝詞賦，閒窓應注道家書。

東橋顧公息園作

莫唱人間行路難，灌園方喜得辭官。  
成林密樹閒來種，帶雨叢花醉裏看。  
太史藏書丹洞古，僊家樂綠池寒。  
絕交總是朱輪客，只許幽人咏考槃。

高座寺

雲公臺榭至今留，休暇追隨訪古遊。  
秋色總歸紅葉寺，楚江還見白蘋洲。  
松林月上言彌靜，閣道鐘殘思轉幽。  
莫訝爲郎貪佛日，官閒禪定兩悠悠。


山中書齋偶題

一還初服謝朱轡，自愛吾廬堪避喧。  
書爲倒囊收萬卷，玄因拙宦草千言。  
院中流水鳴殘雨，窓裏青山近小園。  
已覺林丘容嬾慢，更看風物滿前軒。

赴都待次補郡發舟日作

秋氣初清夜雨晴，東方曙色半江明。  
出門已是京華





原件短缺

P156



路回首空懸丘壑情五馬他鄉重作吏羣鷗何日更  
爲盟可堪入望沿堤樹漸引扁舟向遠行

遊南嶽

分符不廢尋丘壑風物誰言邁永嘉自覺躋攀出塵  
境行看籬舍總仙家危峰倒暎常流澗密樹晴飛不  
斷霞祇嘆湖南懷古意九疑無處望重華

行自鴈峰遊花藥寺

鴈峰不盡城南勝咫尺叢林尚可攀藥徑盤迴初入  
寺禪房行遍又看山開簾鳥下窺經室掃榻風來閉  
已自覺中年少故人黃葉亂蟬江寺晚綠陰啼鳥掖  
垣春此時詩興誰能識還憶山林賀季真

七月二十日祖母初度時年八十九

白髮青瞳壽者身每逢佳節話咸淳百年未盡四千  
日來歲還週九十春遷客無家空望拜孤臣有表竟  
誰陳今朝風雨茆茨底應對兒孫說遠人

春日白門寫懷用高季迪韻

萬里歸來戴鶻冠老懷非復舊時歡沙邊野水鷗隨  
汲竹外青山鶴從看花信幾番風作陣江邊連日雨



明詩選  
卷二十三  
添寒無心車馬千鍾祿猶幸茅茨一榻安  
雲深處爲雪上人賦

上人卓錫亂雲中縹緲蓮花第幾峰行盡崎嶇方見  
塔望迷樓閣但聞鍾四山曉氣層層雨一徑秋陰曲  
曲松幾度相尋問童子水流花落竟無蹤

和雪坡錢唐見寄

經旬不見謝宣城小楷烏絲寄遠情黃鶴樓高春夢  
破綠羅衣薄莫寒生鶴臨沙渚鷗俱浴花落紅泥燕  
與母亦欲雨蓑搖短楫兩湖新水蕩空明

莫干山下玉池邊遙憶行窩卜築年未赴陶潛歸後  
社欲安蘇晉醉中禪花明石徑新筠淨春靄雲溪瀑  
水懸一話煙霞塵外事採芝人去思悠然

○ 將至南都自述

移跡鍾陵本舊京江臯回首自嬰情朝衫暫解饒春  
睡匣劍方開入夜鳴敢道魚龍今寂寞甚疑虎尚  
縱橫關山直北風雲壯竹報羣胡盡掃平

舊京

舊京趨走綴清班尚想龍髯或可攀雲護鍾陵蟠御



氣江廻建業扼雄關層城永啓千峰裏九法昭垂兩  
觀間草昧經綸遍天北凝然南國鎮江山

覽石梁

王廷幹

遊人夢想東南勝盛夏攀臨海日邊雙闕空梁橫白  
石千巖瀑布射飛泉漫忻衣帶浮靈雨遙望雲霄散  
綺煙卽此層城清世網何勞閬苑訪神僊

四明登舟阻風雪題車廐驛

浙東經覽意多違簿領年年限客歸江海故人傳錦  
字風塵遊子倦行衣青雲湛澹湖山渺白雪飄零草

樹稀歲晚孤舟嗟旅食驛亭愁見暮禽飛

給舍萬楓潭中秋宿湖

玄湖舊典垂千代青瑣新編校十年禹貢傳圖羸戶  
口秦淮覽勝渺雲烟風生洲上荷華謝香蒲亭中桂  
樹鮮信是仙源難可到惟看水月夜初圓

過太平隄望後湖

鍾阜金陵本舊都高皇定鼎握中樞河山表裏供雄  
覽臺殿參差啓睿謨功德萬年成一統風流六代變  
三吳周家豐鎬從來重天下圖書入禁湖



春雪訪俞是堂年兄不遇

聚首潯陽歲屢移  
蒼茫雲樹起遐思  
如何載酒抱琴日  
却是題門看竹時  
南浦春風人宛在  
山陰夜雪興還奇  
欲尋文藻行遊處  
却指烟霞望羽儀

贈曾前川隱居

朱衡

泠泠芝鶴神仙侶  
漠漠風烟水竹居  
病後焚香尋舊草  
閑來搖筆著新書  
春陰秀色常依戶  
花雨苔痕欲上除  
東野未能淹謝客  
聖朝聞已待公車

秋日雜興

張翰思閑豈爲鱸  
陶潛自是愛吾廬  
旋鋤荊徑開芳野  
更買魚<sub>初</sub>鮒代蹇驢  
爨柏漫成招隱操  
燃藜靜對養生書  
堂高鶴髮欣無恙  
門注龍湫興有餘

贈醫士

羊裘鶴氅鹿皮冠  
旅食經秋客舍寒  
露滴雲關晨採藥  
虹穿林屋夜燒丹  
行歌燕市無人識  
閑種胡麻祇自食  
何日馭風朝玉几  
手持黃籙戲雙鸞

送唐少保歸養

曾向青編數上卿  
如公真不負生平  
久揚詞幟橫文



劔高建牙旗領禁兵四海儒生傳著作三邊酋長懼  
威名更誇完節驅今古不羨疏張在漢京

立秋日懷右溪給事

散秩公餘掩素扉月明庭砌淨含輝閒行樹下聽秋  
至獨倚風前看鴈飛念別握蘭愁易永感時瞻鳳意  
多違佳人遠在金川上川上鱸魚今正肥

復除西曹

可是江湖未息機秋風謝却釣魚磯北山空有移文  
在西省重來舊侶稀起草還携三尺牘啣恩猶拜五

時衣埤梧垣竹能相待雲閣嗟峩傍紫微

同安訪西清劉年兄荷惠佳什奉酬

聞君結社古滄洲花榭茅亭洞壑幽傷海爲漁堪傲  
世開園種橘比封侯風吹竹樹晴攤帙水漫溪塘夜  
放舟野服綸巾潛字姓可能忘却范公憂

聖駕侍宴清寧宮詩

閣試用來字

許應元

東苑雲霞曉竝開慈宮秋豫六龍陪珠簾不動坤儀  
正玉城遲看日馭回魯國徒聞歌燕喜周巡莫更詫  
仙杯懸知輦道花饒笑日見君王問寢來



雨中登張真君鶴歸亭兼懷丹泉子

巖深樹密幾千重，雨迳還探靜者蹤。  
綵隊花間聞駐鶴，青茅酒肆畏成龍。  
竝巖竹笋條條長，中壑芝榮處處逢。  
忽憶故人違甃賞，題詩空滿白雲封。

得叔夏弟書并致江上見懷之作賦此寄憶

九日閒曹閉白雲，庭開桂樹散清芬。  
茱萸寄遠天邊到，鴻鴈蜚聲日下聞。  
江上愁心工入賦，楚人芳草易離羣。  
西來不斷青山色，知向河陽舍外分。

春日郊圻卽事因寄舍弟

豈知芳草對天涯，翠壁晴雲引眺餘。  
道愧理人尋野峻，興牽啼鳥到仙家。  
溪邊放楫隨蘭葉，石上移尊掃竹花。  
忽憶惠連蓬省裏，獨將詞賦荅春華。

贈王東園

老夫樛散畏乘軒，擬就寬閒學灌園。  
之子先開三畝勝，向予常誦九家言。  
青冥曉斲雲隨錘，白墮春沽月在門。  
世難逢人思避地，不知何處有桃源。

藝文志有農九家言

東林寺

薛應旂

霜楓萬樹倚危岑，急雨飛流澗水深。  
藻井紅蓮開十



丈香爐翠黛擁千尋  
卑棲已解無生妙  
多病真空出世心  
月上虎溪誰送客  
相攜同聽白猿吟

得唐應德書悵然有作

予方世路甘漂泊  
君在山中久索居  
隔歲不聞相笑語  
經秋始得寄來書  
遠懷每望江東月  
獨樂應驅花外車  
童子到前頻問訊  
故人肥瘠近何如

徐氏園次龍石韻

城闕青霞護竹扉  
秋高霜露景熹微  
迴欄侵袂苔痕濕  
曲澗浮鷗村影稀  
宿雨芙蓉開欲落  
寒條翡翠集還飛  
習家池館風流在  
山簡頻年興不違

訪徐少湖司成同登泖塔

一畝社園萬頃湖  
塔懸珠樹集啼鳥  
禪僧獨坐開金鏡  
仙侶相從倒玉壺  
幽勝偏鄰徐稚宅  
登臨恍對朝川圖  
憐余歸客仍留戀  
風水微茫夜度吳

朝見

九年載入承明殿  
闈寺相看問姓名  
衣帶未除江海氣  
珮環猶是竹梧聲  
雲開闔闔天顏近  
日出蓬萊仙仗明  
獨愧遠臣無獻納  
願從宣室請長纓



德慶菴中作

寄跡禪房二十年重來松竹更堪憐  
少時苦遂題橋志今日翻思面壁緣  
但得卽栽彭澤柳何須載問鹿  
門田此生自是耽丘壑不爲還山理舊編  
得馬谿田書悵然有懷

征夫昨向三秦至爲報關西已索若  
阮緒自披高隱傳嵇康未著絕交書  
魏松楸石頻移酒種藥分泉每  
荷鋤函谷仙踪遙在望空山欲駕紫雲車

寄唐荆川

村莊流水漸成渠藉草亭蘿自結廬  
盡說幽人時引鹿誰知學士屢焚魚  
獨行豈願稱遺逸高臥聊將適  
起看猶恨治安曾獻策西京傳誦賈生書

寄浙江驛下

錢塘風雪清孤舟海月旋看上驛樓  
五夜濤聲遷客去一天星影大江流  
篷窓蕭瑟呼兒語書劒漂零感  
宦游更有杞人憂未釋夢魂猶遶鳳池頭

楊止所職方出守衢州因余道經留飲郡齋  
值書屋新成賦以贈別



甘泉獻賦識楊雄十載還從姑蔑逢塞府舊傳征虜  
檄山衙新築草玄宮客來幽徑雲攜袖吏散空庭雪  
滿松尊酒相看無限意殷勤豈是慰途窮

函谷關公館書壁

函谷關頭鷄未鳴夢竟長繞城若教狼望無烽  
火何必燕然有勒銘一  
許四夷經略竟

誰成從今謝却毛鍾事  
字兵

贈江山人

山人耽隱久忘機笑我年  
過草堂惟索

茗獨行松徑懶穿衣自  
知心裏無誼寂那識人  
間有是非興到每歌長  
短調郢中白雪和應稀

立秋日作

山齋又見起秋風炎暑  
旋消萬慮空盡道邵雍  
真逸老獨憐种放似田  
翁青蠅忽向樊間避白  
鶴時從竹下逢虛靜頻  
年聊日得何須丹  
學還童

原州鎮西樓松石公讌集用韻 王維楨

危樓真倚白雲間霧堞  
陰陰合萬山地險胡塵  
空絕漠天遙漢壘接重  
關杯前劍罷笙歌起塞  
上年來虎



豹閒壯觀平生今更幾坐升海月不知還

迎恩寺次韻

悠悠雲葉伴僧閒寂寂風花點地斑境僻誰能來野  
步池空吾欲洗塵顏九衢車馬喧清晝十載神情寄  
碧山暮倚佛樓遙送目塞鴻江燕爾知還

陳子至自嵩山

去年聞汝到嵩山二室三花盡日攀霄漢今來還舊  
省烟霞猶自帶清顏月明鶴嶺瑤笙滿春入牛溪錦  
樹斑勝地遙憐塵世隔相逢徒問白雲閒

卜居

由來卜築避天街此日幽棲意更諧無客蓬蒿從浦  
徑有時鳥雀自馴堦雲中歌鼓五侯第塞上旌旗千  
里懷閉戶著書愁未得旁人休擬草玄齋

送李御史之南都

前年憶爾在鍾山夏半今年謁帝關立傍苑葵心共  
赤憂深封事鬢先斑擬將解珮酣燕市忽漫擎舟下  
潞灣安得從君便南去鳳臺同臥白雲間

北窓



憶在京華今五月炎雲赤日意難降朝廻漢馬愁相  
逼闕望仙盤屹自雙消渴馬卿辭石室避人漁父戀  
滄江休言簪筆還中祕已足楓林臥北窓

贈海峰吳氏分司太和山次韻

真祖宮開襄漢間百年靈跡寄深山醮壇紫氣晴常  
覆仙路金扉夜不闌香火去看人斷續花源行採水  
潺湲幽尋若遇赤松子莫學留侯竟不還

古意東陳子虛俞汝成

喬世寧

棄妾長吟白紵詞容華不照影娥池鳳樓簫斷情元  
苦錦字詩成調更悲豈向漢宮矜燕舞由來秦女妬  
蛾眉繡衾星夜空攜去紈扇秋風祇自知

擣衣

城上秋風木葉稀城中思婦擣寒衣誰憐此夜腸空  
斷獨恨經年戍不歸聲度隴雲傳雪嶺心隨關月到  
金微相思更有殘機錦願逐長安一鴈飛

商南寄谿田

移家遠倚碧山廬爲愛烟蘿此定居蓬巷有人時問  
字洞巖深處好藏書過逢况對春宵雨晤語頻來長



者車別後更懸芝草夢關雲北望渺愁予

秋日雜興大梁旅中作

陳鳳

秋來黃葉滿千山虛館淒淒客思閒露冷芙蓉應自  
老山深叢桂好誰攀雲中尚憶青霞侶天上空瞻玉  
筍班何事萍蹤更飄轉梁園烟月益愁顏

其二

杏花村遠鳳凰臺臺畔幽居陰綠槐問字有人時載  
酒春來無日不花開清池白石魚爭躍飛閣疎簾燕  
自來叢菊欲黃秋漸老籬邊誰對紫萸杯



壽